


宋史

志六十七之
七十二




内閣文庫			
函	冊	架	類
二	三	二	漢書
二	三	二	九〇

内閣文庫	
番號	漢 5065
冊數	122 (39)
函號	281 23

三十九

宋史



綴じ部(喉部分)の文字など開きが不鮮明な箇所あり

卷第六十七

宋史一百十四

開府儀同三司... 禮部... 勅修

勅修

禮十七 嘉祿五

大... 禮... 嘉祿五

巡幸之制... 通禮因之... 太祖幸西京... 朝諸陵及幸六礼... 服鞞袍具... 嘉祿五

宋史一百十四

禮部

嘉祿五



前導凡從官並日赴衙會合班起居晚朝視事等事
示外中領待食百官燕宿與迎駕訖先登宴道臺登
遠則免迎駕將進發近則諸軍賜茶錢出京宿司馬
步諸軍夾道左至新城門外奉辭留守辭於門內百
官父老辭於苑前召留守等賜飲苑中州縣長吏留
司官待于境所過賜以饗食其守津梁行郵治道卒時
服錢履父老綾袍茶品等賜衛士緡錢所幸寺觀
賜道釋茶帛或加紫衣師號吏民有以養饋酒果方
物獻者計直答之命官籍產過繫囚捕負者日引對
多原釋仍採訪民間疾苦振恤寡孤獨車服度量

權衡有不如法則舉儀制禁之有奇材異德及政事
尤異者孝子順孫義夫節婦為鄉里所稱者其不守
廉隅昧於正理者並條析以聞官吏知民間疾苦者
亦許錄奏所過州府結綵為樓陳音樂百戲道釋以
威儀奉迎行悉有賜東京留守遣官表請還京優詔
答之駕還京大陳兵衛以入凡行幸太祖太宗不常
其數自咸平中車駕出金吾將軍帥士二百人執
趨周遶謂之禁圍春夏緋衣秋冬紫衣郊祀省方並
增二百服錦襖出京師則加執劔親王中書樞密宣
徽行圍內餘官圍外大禮備儀衛則有司先布土為

黃道自宮至祀所在右設香臺畫筵青繩闌干在室
則不凡巡省翰林進號傳詩付樞密院每及摘字令
衛士相應為識東京舊城城門西京皇城司並契勘
內外城宮廟門並勘箭出入皆然入藩鎮外城子城
門亦勘箭朝陵定扈從官人數入栢城者僕射以上
三人丞郎以上二人餘各一人東封定伏內導駕官
從人數親王中書樞密宣徽三司使四人學士尚書
丞郎節度使二人大兩省大卿監三司副使樞密承
旨客省閤門使副金吾大將軍押儀珂內殿崇班
以上二人餘各一人命諸司巡察之自後舉大禮皆

循此制建炎元年七月詔曰祖宗都汴垂二百年比
年以來圖慮弗臧禍生所忽肆朕纂承顧瞻宮室何
以為懷是用權時之宜法古巡狩駐蹕近甸號召軍
馬朕將親督六師以援京城及河北河東諸路與之
次戰歸宅欽都迎還二聖以稱朕夙夜憂勤之意十
月一日車駕登舟巡幸淮甸執侍從百司三衙禁
旅五軍將佐扈衛以行駐蹕揚州三平幸杭州自杭
州幸江寧府尋幸浙西自浙西幸浙東乃下詔曰國
家遭金人侵逼無歲無兵扶纂承以來深軫念慮謂
父兄在難而吾民未撫不欲使之陷於鋒鏑故也蓋

忍耻為退避之謀冀其逞志而歸稍得休息自南京
移淮向自淮甸移建康而會稽播遷之遠極于海隅
卑詞厚禮使介相望以至願云尊稱甘心貶屈請用
正朔比於藩臣遣使哀祈無不曲盡假使金石無情
亦當少動累年卑屈卒未見從生民嗷嗷何時寧息
今諸路之兵聚於江浙之間朕不憚親行擾其要害
如金人尚容朕為汝兵民之主則朕於事大之禮敢
有不恭或必用兵規我行在傾我宗社塗炭生灵竭
取東西金帛子女則朕亦何愛一身不臨行陣以踐
前言以保群生朕已取十一月二十五日移蹕前去

浙西為迎敵計惟我將士人民念國家涵養之恩二
聖拘縶之辱悼殺戮焚殘之禍與其束手待斃曷若
弁計合謀同心戮力奮勵而前以存家國乃詔御前
應奉官司自合苞從外內太常寺禮部具用人數苞從
餘接續起發四年正月次台州二月次温州三月幸
浙西經興元年詔發蹕臨安府六年詔周視軍師車
駕進發一遣官奉命天地社稷宗廟自臨安幸平江尋
幸建康八年二月遷蹕安二年十一月九月詔金人背
盟失信今率精兵百萬悉行討用十二月十日車
駕進發蹕行守臨安府文武百僚咸赴奉辭其日應

文武百寮先詣殿前奉奠次樂中駕御馬將至御案之
閣門太常寺分引文武百僚立班定兩拜訖候御馬
過班退三十二年三月詔視師江上北鎮道云兩
無恙言已委重臣統護諸將經書選計以警還臨安畢
恭之祠廟之值宜令有司增備禮樂百官更令諸軍
姑若以備往來巡幸可擇日進發車駕還宮

考老於太皇皇帝服通天冠絳紗袍乘金轎至太學
酌獻又宣王三祭酒再拜歸御慳花車為初出量時刻
禮使三老五更於其第三老五更俱服朝服乘安車
至後至太學就次國老耄老有司預戒之各服朝服集

於其次大樂正帥工人二舞入立於庭東上閣門御
史臺太常寺客省四方館自下分引百官宗室客使
學生等以次入就位如視學班太常博士贊三老五
更俱出次引國老庶老立於後重行異位禮直官通
事舍人引左輔奏請中嚴少頃又奏外辦皇帝出大
次侍衛如常儀大樂正令撞黃鐘之鐘右五鐘皆應
協律郎跪俛伏舉麾興宮架乾安之樂作皇帝即御
坐樂止典儀曰再拜在位官皆再拜三老五更杖而
入各左右二人夾扶太常博士前引史臣執筆以從
三老五更入門宮架和安之樂作至宮架北北向立

以東為上奉禮卽引群老隨入位於其後樂上博士
揖進三老在前五更在後仍杖夾扶宮架和安之樂
作至西階下樂止博士揖三老五更自西階升堂國
老庶老立堂下三老五更當御坐揖群老亦揖皇帝
為興次奉禮卽揖國老升堂博士引三老五更奉禮
卽引國老以下各於席後立典儀贊各就坐贊者承
傳宮架尊安之樂作三老五更就坐三公授几九卿
正履訖殿中監尚食奉御進珍羞及黍稷等先詣御
坐前進呈遂設於三老前樂止尚食奉御詣三老坐
前執醬而饋訖尚醞奉御詣酒尊所取爵酌酒奉御

執爵奉於三老次太官良醞令以次進珍羞酒食於
五更群老之前皆食大樂正引工人升登歌奏惠安
之樂三終史臣既錄三老所論善言善行宮架作申
安之樂憲言成福之舞畢文舞退作受成告功之舞
畢三老以下降筵博士引三老五更於堂下當御坐
前奉禮卽引群老復位俱揖皇帝為興三老五更降
階至堂下宮架和安之樂作出門樂止禮直官通事
舍人引左輔前奏禮畢復位典儀贊拜訖皇帝降
坐太常卿導還大次百僚以次退車駕還宮三老五
更升安車導從還翼日詣闕表謝

視學哲宗始視學遂幸國子監詣至聖文宣王殿行
釋奠禮一獻再拜御敦化堂召從官賜坐禮部太常
寺本監官承事郎以上侍立承務郎以下三學生坐
于東西廡侍講吳安詩執經祭酒豐稷講尚書無逸
終篇復命宰臣以下至三學生坐賜茶豐稷賜三品
服本監官學官等賜帛有差遂幸昭烈武成王廟酌
獻肅揖徽宗幸太學遂幸辟雍奠獻如上儀詔司業
吳綱等轉官改秩循資賜章服文武學生授官免省
試文解賜帛有差所司預設次於敦化堂後又於堂
上稍北當中兩間設次南向設御坐又設從官及講

筵講書執經官并太學官坐御坐之南東西重行吳
位太學生坐於兩廡相向並北上宰臣以下從官之
次設於中門外皇帝酌獻文宣王畢幸太學降輦入
次簾垂更衣禮直官通事舍人引講官與侍立官入
就堂下皆繫鞵講書執經官學生各立堂下東西相
向俟報班齊皇帝升坐班首奏萬福在位者皆應喏
訖閣門使承旨臨階宣升堂通事舍人喝拜應在位
者再拜訖分左右升堂各就位少立起居郎舍人分
左右侍立禮直官通事舍人引講書及執經官就北
向位班首奏萬福閣門使宣升堂舍人喝再拜訖分

東西升堂立於御坐左右講書官在西東向執經官
在東西向學生就北向位舍人喝拜在位者皆再拜
立於東西兩廡內侍進書案以經授執經官稍前進
於案上舍人喝拜就坐宰臣以下並堂上坐如閣門
所進坐位圖講書畢通事舍人口可起群臣皆起降
階立執經官降講書官於御坐前致辭訖亦降舍人
喝拜如有宣答即再喝拜閣門宣坐賜茶舍人喝拜
訖宰臣以下升堂各立於位後學生各就北向位舍
人喝拜在位者俱拜訖各分東西廡以北為上下舍人
喝就坐上下皆就坐賜茶畢禮直官通事舍人引堂

上宮降階就位舍人喝拜在位者俱拜訖禮直官引
之以次出學生就位舍人喝拜學生俱再拜退紹興
十三年七月因學大成殿告成奉安廟像明年二月
國子司業高闕請幸學上從之詔略曰優幸息民恢
儒達學聲明丕闡輪奐一新請既方堅理宜從欲將
款謁於先聖仍備舉於舊章三月丁辰禮祀乘轎入
監止輦于大成殿門外入釋群臣列班於庭帝出轎
升東階跪上香執爵三祭酒再拜群臣皆再拜上降
入嚮分奠從祀如常儀尚舍先設次於崇化堂之後
及堂上之中南向設御生閣門設群臣班於堂下如

月朔視朝之儀宰輔從臣次於中門之外上奉養奉
太學隆董於堂入次更衣講官入就堂下講位北向
執經官學生皆立於堂下東西相向帝出次升御坐
群臣起居如儀乃命三公宰輔以下升堂皆就位左
右史侍立請書及執經官北面起居再拜皆命之升
立於御坐立石學生北面再拜分立兩廡北上內侍
進書案牙籤以經授執經官賜三公宰輔以下坐講
畢群臣皆起降階東西相向立執經官降講官進前
致詞乃降北面再拜左右史降乃賜茶三公以下北
面再拜升各立於位後學生北面再拜分兩廡立上

下就坐賜茶畢三公以下降階學生自兩廡降皆北
面再拜群臣以次出上降坐還次乘輦還宮特命禮
部侍郎秦燂執經司業高開講易之泰遂至養正持
志二齋賜閱二品服學官遷秩諸生授官免冬賜膏
有差上既奠拜注視親象翼翼欽慕聖訓言明白及太
祖真宗徽宗所制不費文命有司悉取從祀諸賢皆錄
以進帝遂作先聖及七十二子執其冠以序之親禮翰
墨以方載之五月丙辰登之絲殿備儀備作樂命百
學之臣自行宮北門迎置學宮宮揭之六歲祭上及二
廟序白朕自睦鄰息兵首開學校崇養多士以遠志

卷之二十一 禮儀 十一

良繼幸太學延見諸生濟濟在庭嘉嘉之因作文
宣王贊機政餘間歷取顏回而下七十二人亦為製
登用廣列聖宗儒石文之聲復知師弟子間獲并森
森豐精繹思之訓其於世道心庶幾焉二十六年十
二月言者謂陛下崇儒重道制衣為贊辭刻定翰石
琰光昭在玄象宇儒紳孰不顧瞻雲漢之章請奉石
刻于國子監以碑本編賜郡學從之淳熙四年孝宗
幸太學如紹興之儀命禮部侍郎李壽執經祭酒林
光朝講大學尋幸武學如太學之儀帝肅揖或嘉泰
成王不拜嘉泰
三年正月寧宗幸太學如淳熙之儀淳祐元年正月

理宗幸太學宗武兩學官屬生員並行太學陪位儀
重如高至學詣先聖文宣三位三上香執爵三祭酒悅
伏興再拜在位官皆再拜皇帝至崇化堂坐便相
執政並起居執經官由東階講官由西階並升堂於
街前分東西相向立次引國子監三學官學生一
班北面再拜贊各就坐賜茶僕講書畢起立班再拜
禮成執經官講書官國子監三學官生員各獲恩轉
官有差咸淳三年五月戊辰寧宗幸太學祫謁禮部
尚書陳宗禮執經國子祭酒雷宣中講中廟餘並如
儀

儀

淳熙四年二月言者謂陛下崇儒重道制衣為贊辭刻定翰石琰光昭在玄象宇儒紳孰不顧瞻雲漢之章請奉石刻于國子監以碑本編賜郡學從之淳熙四年孝宗幸太學如紹興之儀命禮部侍郎李壽執經祭酒林光朝講大學尋幸武學如太學之儀帝肅揖或嘉泰成王不拜嘉泰三年正月寧宗幸太學如淳熙之儀淳祐元年正月

賜貢士宴名曰開喜宴政和燕儀禮宴官以下及等
禮貢士班首初入門正殿之樂作三庭中樂閣位立
樂二頭宴官跪位再拜訖押宴官西向立中使宣曰
有教在位者皆再拜訖中使宣曰賜卿等開喜宴在
位者皆再拜稽顙又再拜次引押宴官稍前謝
坐再拜在位者皆再拜若賜教書即引貢士班首稍
前中使宣曰有教貢士再拜中使宣曰賜卿等教書
班首稍前稽顙跪中使授教書訖以退班首以教書
加笏上俛伏與歸位再拜在位者皆再拜凡類宴官
分東西升階共坐貢士以酒酒初行賓與賢能之樂
作飲訖食畢樂止酒再行於樂辟塵之樂作酒二行
樂育人材之樂作酒四行樂正有儀之樂作酒五行
正安之樂作再坐酒行樂作即次如上儀皆飲訖食
畢樂止押宴官以下并釋褐貢士詣庭中禮禮立
畢次引押宴官以下并釋褐貢士詣庭中禮禮立
謝花再拜復升跪坐酒行樂作飲訖食畢樂止酒四
行訖退次日預宴官及釋褐貢士入殿四常儀禮宗
慶元五年五月賜新及第進士魯夔以下開喜宴
于禮部貢院二賜七言四韻詩秘書監王休以下
繼和以進自後每舉並知之

幸秘書省紹興十四年七月新建秘書省或秘書以
監游操等擬宣和故事請車駕臨幸詔然之二十七
日幸秘書省至右文殿降輦頒手詔曰書局周建於
史掌三皇五帝之書漢魏諸儒定九流之書之奉文
德之盛後世推焉仰惟祖宗建開明府正其與名世
之士由是以興而一代政治之原蓋出於此然亦與
學士大夫共宏斯道迺一新文觀新御榜題拜從望
幸之忱以示右文之意嗚呼士習為空言而不為有
用之學久矣爾其勉脩術業益勵猷為一德一心以
共赴亨嘉之會用丕承我祖宗之大訓願不善歟

陳系朝御書御製晉唐書畫三代古器次宣白王太子
宰臣以下觀訖退遂賜宴于右文殿酒五行群臣再
拜退車駕還內賜少監游操三品服御書扇餘官筆
墨館閣官各轉一官淳熙五年九月十三日孝宗幸
秘書省如紹興十四年之儀帝賦詩群臣皆勸和
進書儀紹興二十年五月八日進呈中興聖主祝文帝
侍士丁屢明言乞比附進呈玉牒行禮二十四年進
呈徽宗御集禮部言昨紹興十年德宗御製聖訓
之名闕今乞權安奉於天章閣續俟崇寧二二六年
十月進呈太后回鑾事寧天二十七年三月進呈

言王牒所管陳康伯等先次編脩太祖皇帝王牒自
誕聖至即位自建隆元年至開禧九年通脩一十七
年開基王牒舊制以梅紅羅面簽金字今依題曰皇
宋太祖皇帝王牒只編脩今上皇帝王牒自誕聖之
後聖德祥瑞建大元帥府事蹟至即位二十餘年
又自即位後編脩至紹興二年通脩二十六年中
王牒令依題曰皇宋今上皇帝王牒宣祖太祖太宗
魏王下冬宗仙源類譜五世昭穆今已脩寫其本乞
擇日進呈詔從其請前期儀駕司臨安府於王牒殿
上南向設儀仗奉王牒類譜并中興聖統幃次又於

王牒所向外設騎從官及文武百官等待班幕次又
於景靈宮內外設騎從官幕次進呈前一日候朝退
王牒所提領官都大提舉諸司官承受官王牒所管
等赴本所幕次宿衛候儀仗樂入等排立衛史堂閣
門太常寺分引王牒所管詣王牒殿下北向立禮直
官引提領官詣王牒殿下北向立禮直官拜躬拜提
領官拜在位官皆拜訖次引提領官詣官案前揖
笏三上香執笏退後位皆拜訖班退幕次宿衛
儀仗樂入作樂三度更立其日五更傳令上宣
明太常寺分引提領官等執使相侍從高麗兩省官

知閣禮官南班宗室詣玉牒殿北向立禮百官拜躬
拜提領官拜在位官皆再拜訖次引提領官詣玉牒
類譜音案前指笏三上香執笏退復位禮百官引提
領官詣帷前西向立次騎從官分左右乘馬俟玉牒
所率羣官奉擎玉牒類譜腰輿進行樂人作樂儀衛
儀仗迎引次引提領官率執使相待從高諫兩省官
如閣禮官南班宗室騎從至和寧門下馬執笏貴從
玉牒類譜至垂拱殿門外帷次步從官攬歸幕次樂
止儀衛樂人等並於帷次前排立俟進三玉牒類譜
並如閣門儀訖俟玉牒類譜出殿門御史臺閣門太

常寺分引提領官率執使相待從高諫兩省官知閣
禮官南班宗室分左右執笏步從儀衛樂人前引迎
奉出皇城北宮門步從等官上馬騎從至和寧門外
前引將至玉牒所御史臺閣門太常寺分引文武百
官於玉牒所門內殿門外立班內文臣警務通直郎
以上及承務郎見任寺監主簿執事官以上武臣備
武郎以上迎拜訖如值雨地下沾濕迎拜官吏不迎
拜騎從官至玉牒所並下馬執笏步從詣玉牒殿下
分東西相向立禮直官引提領官詣玉牒類譜帷前
西向立定俟玉牒所率羣官奉擎玉牒類譜入帷儀

授儀衛贊官樂人更互排立提領官等執儀相待從
高宗兩省官知閣禮官南班宗室及玉牒所官分官
赴景靈宮迎奉皇帝中興聖統赴玉牒殿同時安奉
後安奉時將至設香案畢次御史臺閣門太常寺分
引文武百官詣玉牒殿下並北向立班定禮直官引
提領官詣帷前西立俟日官報時及次玉牒所安奉
玉牒類譜訖次引提領官復位北向立定禮直官揖
躬拜提領官拜在位官皆再拜訖禮直官引提領官
詣香案前擗笏三上香執笏退復位立定在位皆再
拜訖退儀衛樂人等以次退自是凡進書並倣此惟

進太上皇聖一政則有詣德壽宮之儀咸淳初五年二月
十二日進孝宗光宗兩朝御集寧宗實錄及理宗三
牒日曆其日皇帝御垂拱殿提舉官禮儀使宗室使
相寧執以下赴實錄院右文殿玉牒所經武閣並行
燒香禮畢奉迎諸書至知寧門步趨至垂拱殿以俟
班齊各隨腰輿入殿下東西向立皇帝服褙袍出宮
殿下鳴鞭禁衛諸班直親從等并入內省執骨及使
臣國史實錄院日曆所編補經武閣等所玉牒所點
檢文字以下并腰輿下人並迎駕自實錄院起居
人並迎皇帝御坐先知閣門官以下各隨班居

常儀次日內官下殿各取合進呈書匣并殿於殿上

東壁各置案上以爲高上知閣門官二員自御坐前

道皇帝更詣三朝詣書香案前得位東向立閣門提

點奏請上香三上香訖又奏請皇帝無拜訖知閣門

官前導皇帝復歸御坐殿前門官東向立

殿次令人請國史實錄院以下提舉官禮儀使宰執

并進讀官升殿於御坐東面西立國史實錄院

要器所至殿下依舊立俟入內官進御案孝宗御集提舉官

并進讀御集官稍前立分進讀御集官於御前過西

壁面東立御集提舉諸司官於孝宗御集匣前摺笏

啓封開鑰訖出笏傳之御集承受官摺笏於御

集匣內取冊轉授提舉官摺笏接訖承受出笏提舉

官奉冊置御案上出笏皇帝起前立提舉諸司官承

受官分東西相向立並摺笏揭冊訖各出笏進讀御

集官摺笏稍前取笏子指讀並版揭冊俟進讀畢

皇帝復坐進讀御集官置笏子於御案上出笏却於

御前東壁面西立以俟提舉官摺笏收冊復授承受

官摺笏接訖提舉官出笏稍後立承受官奉冊入

要略並同上儀次王際提舉官并進讀王際官稍前

卷之六十一 儀禮 卷之六十一

立分進讀玉牒官於御前過西壁面東立玉牒提舉
諸司官於玉牒匣前搢笏啓封鑰訖出笏歸侍立位
玉牒承受官搢笏取冊授提舉官置御案上進讀亦
如前儀讀畢鎖匣出笏歸侍立位次日曆提舉官并
進讀日曆官啓封鑰進讀亦同俱畢入內官徹案承
官奉冊入匣訖出笏提舉諸司官搢笏降東階奉書匣
訖出笏歸侍立位儀駕司徹車了降東階
下殿各置腰輿上國史實錄院日曆所編脩經武要
略所玉牒所提舉官禮儀使宰執並降東階下殿東
壁面西立舍人引各官及禮儀使一班當殿面北立
定引各直身出班歛身齊跪訖歸位立揖躬身贊拜

兩拜訖贊各祗候直身立官各御案下殿官各提舉
官禮儀使並歛身聽宣答訖歸位立揖躬身贊拜兩拜
訖贊各祗候直身立舍人引赴東壁面西立次引國
史實錄院日曆所編脩經武要略所玉牒所官一班
首直身出班歛身稱謝訖歸位立揖躬身贊拜兩拜
訖贊各祗候直身立如傳旨謝恩知閣門官承旨訖
於折檻東面西立傳與舍人承旨訖再揖躬身贊謝
恩拜兩拜訖贊各祗候直身立不該賜奉次引國史
實錄院日曆所編脩經武要略所玉牒所提舉諸司
官并承受官以下一班當殿面北立定揖躬身贊謝

恩拜兩拜訖贊各祇候自身立各歸位立次引國史
官錄院日曆所編脩經武要略所至牒所點檢文字
以下一班當殿面立立定揖躬身贊謝恩拜兩拜訖
贊各祇候自身立各歸位立傳旨宣坐賜茶訖舍人奏
閣門無公事皇帝起還宮百官導送奏安兩朝御集
實錄於天章閣經武要略於經武閣王牒於玉牒所
日曆於秘閣如儀

大射之禮廢於五季太宗始命有司草定儀注其群
臣朝謁如元會酒三行有司言請賜三公以下射侍
中稱制可皇帝改服武弁布七摺於殿下王公以次

射開樂懸東西廂設熊虎等侯陳設寶物於東階以贊
能者設豐爵於西階以罰否者弁圖其冠冕儀式表
著尊卑之位以進帝覽而嘉之謂宰臣曰侯弭兵當
與卿等行之凡游幸池苑或命宗室武臣射每帝射
中的從官各拜奉鴈貢馬為賀預謝官中者帝為之
解賜襲衣金帶散馬不無則不賜苑中皆有射棚畫
軍的射則用招箭班三十人服絳帟鋪之帕首分立
左右以唱中否節序賜宴則宗室禁軍大校教伯諸
司使副皆令習射遠為定制外國使入朝亦令帥臣
伴賜射於園苑政和宣射儀皇帝嘗射殿侍宴官公

服藥射官窄衣奏聖躬萬福再拜并獻酒三行引
射官降皆執弓矢謝恩再拜三公以下在右射官在
左不射者依坐次分立皇帝初射中舍人贊拜凡左
右祗候臣僚除內侍外並階上下再拜行門禁衛諸
班親從諸司祗應人並自贊再拜招箭班殿上躬奏
訖跪進執射官先傳弓箭與殿侍側立內侍接擬訖
就拜起降階再拜有司進御茶林天武引進奉馬列
射梁前員僚奏聖躬萬福東上閣門官詣御前躬奏
班首姓名以下進酒班首以下橫行立贊再拜班首
奉酒進樂作飲畢殿上臣僚再拜舍人贊各賜酒群

官俱再拜贊各就坐殿官皆立席後引進司官臨
宣進奉出天武奉馬出樂合復贊就坐飲訖得興諸
司收坐物等射官左側臨階取弓箭待立皇帝再射
中的或雙中如上儀進酒臨時取自得言進酒更不
進奉中備雜及雜言更不贊不
進臣僚射中引降階再拜訖殿下側立御箭解中
箭班進祝如上儀舍人再引射中官官贊再躬宣有
款賜窄衣金帶跪受箱過再拜過殿側東所賜跪拜
引管殿再拜更如宣再射或更再射中御箭
三拜馬中馬臣僚射中御箭不解引降階再拜立詔
龍班殿上躬奏訖下殿舍人宣有教賜跪進受跪

五十四 卷之六
祝弁前就拜起乘車如合賜散馬即同宣賜宣有獻
賜銀挽象賜散馬若干匹射說進御茶三品酒三品陳
坐物等群官各立席後贊就坐群官俱坐薦五行宣
示醴宣勸如儀也亦樂宣畢內侍舉御茶奉三公以
下降階再拜退乾道二年二月四日車駕幸玉津園
皇帝射說乃命皇太子次慶王次恭王次位下軍臣僚
等射如是者二每射四發帝前後四中的嘉熙元年
九月車駕幸玉津園命從駕文武官行宴射之禮皇
太子宰執以下酒三行樂作皇帝臨軒有司進乃矢
皇太子中的皇太子進酒宰執以下再拜無實宣皇

太子射射中賜宣預射臣僚射使相鄭藻起居舍人
王卿月環衛官蕭奪里瀨射中各賜襲衣金帶
鄉飲之禮有三周禮鄉大夫三年大比與賢者能者
鄉老及鄉大夫帥其吏與其衆寡以禮賓之一也黨
正國索鬼神而祭祀則禮屬民而飲酒于序以正齒
位二也州長春秋習射于序先行鄉飲禮三也後世
臘蜡百神春秋習射序賓飲酒之儀不行於郡國佳
貢立日設鹿鳴宴猶古者賓興賢能行鄉飲之道禮
也然古禮有賓主僕介與今之禮不同是以嘉禮與
今之器不同賓坐於西北介坐於西南主人坐東南

僕坐東長與今之位不同主人尊賓賓酢主人主人
酬賓次主人獻介介酢主人次主人獻賓賓與人之
儀不同今制州軍貢士之月以禮飲酒且以知州軍
事為主人學事司所在以提舉學事為主人其次本
州官八行上舍生當貢者與州之群為賓賓亦古
者序賓養老之意也是月也會凡學之士及武士習
射亦古者習射于序之意也唐貞觀所放禮惟明州
獨存淳化中會例行之政和禮局定飲酒祭降之節
與舉酒作樂器用之屬並參用辟靡宴貢士儀其有
古樂則令用古樂既又以河北轉運判官張孝純之
言周官以六藝教士必射而後行古者諸侯貢士天
子試諸射宮請詔諸路州郡每歲宴貢士於學因講
射禮於是禮官參定射儀鄉飲酒前一日本州於射
亭東西序量地之宜設提舉學事諸監司知州通判
州學教授應赴鄉飲酒官貢士幕次本州兵馬教諭
備弓矢應用物設樂其日初巡提舉學事知州軍通
判帥應赴鄉飲酒官貢士詣射亭執弓矢揖人射乘
矢若中則守帖者舉獲唱獲數筭者以筭投壘畢多
筭勝少筭射畢贊者贊揖酬酢如儀且揖退飲如鄉
飲酒紹興七年郡守仇愈置田以供費十三年比部

節中林保乞脩定鄉飲儀制通下舉國若是目子祭
酒高閱草具其儀上之僕介之位皆與古制不合諸
儒莫解其指意慶元中朱熹以儀禮改定知學者皆
專用之主賓僕介之位始有定說其主則州以守縣
以令位于東南賓以里居年高及致仕者位于西北
僕則州以倅縣以丞或簿位東北介以次長位西南
三賓以賓之次者司正以衆所推服者相及贊以士
之熟於禮儀者其日質明主人率賓以下先釋菜于
先聖先師退各就位以俟肅賓介與衆賓既入主人
序賓祭酒再拜詣品盥洗禪至酒尊酌實禪授執事

者至賓席前跪以獻賓賓酬主人主人酬介介酬衆
賓賓主以下各就位席坐訖酒再行次沃洗贊者請司
正揚辭致辭司正復位主人以下復坐主人與復至
阼階楹下僕從賓介復至西階下立三賓至西階立
並南向主人拜賓介以下再拜賓介與衆賓先自西
趨出主人少立自東出賓以下立于庠門外之右東
鄉主人立于門外之左西鄉僕從主人再拜賓介以
下皆再拜退

Blank columns for text on the right page.

志卷第六十八

宋史一百十五

開府儀同三司桂國錄軍國重事前中書右丞相監修國史領經筵事都總裁臣脫脫等奉

勅修

禮十八 嘉禮六

皇太子冠禮白羊子附

公子下降儀宗室附

品官婚禮

士庶人婚禮

公上筭禮

親王納如

皇太子冠儀嘗行於大中祥符之八年徽宗親製冠
禮沿革十一卷命儀禮局做以編次其儀前期奏告
天地宗廟社稷諸陵宮觀殿中監帥尚舍張設垂拱
文德殿門之內設香案殿下螭陛間又為房於東

殿大成展宮架樂於橫街南太常設太子冠席東階
上東宮官位於後設褥位陳服於席南東領北上遠
遊冠簪導衮冕簪導同箱在服南設壘洗阼階東壘
在洗東篚在洗西實巾一加勺冪光祿設醴席西階
上南面實側尊在席南又設饌于席加冪執事者並
公服立壘洗酒饌之所九旒冕遠遊冠折上巾各一
匱奉禮郎三人執以待於東階之東西北上設典儀
位於宮架東北贊者二人在南西向禮直官通事舍
人太常博士引太子詣殿東房皇帝乘輦馬垂拱
殿百官起居如月朔視朝儀左輔版奏中殿內外符

寶即奉寶先出左輔奏外
帝服通天冠絳紗袍
詣文德殿簾捲大樂正令撞黃鐘之鐘右五鐘皆應
殿上鳴鞭皇帝出西階乘輦協律郎悅杖苑舉麾與
工鼓祝奏乾安之樂殿上扇合禮直官太常博士引
禮儀使導皇帝出降轎即坐簾捲扇開鞭鳴樂止爐
煙升符寶即奉寶陳於御坐左右禮直官通事舍人
太常博士引掌冠贊冠者入門扇安之樂作至位樂
止典儀曰番拜在位者皆再拜左輔贊御坐前承制
降東階詣掌冠者前西向贊有制典儀贊在位官再
拜訖宣制曰皇帝冠命卿等行禮贊冠者再

宋史志卷之八

禮儀使導皇帝出降轎即坐簾捲扇開鞭鳴樂止爐

煙升符寶即奉寶陳於御坐左右禮直官通事舍人

拜訖文臣侍從官宗室武臣諸官皆下立東宮官人詣太子東房次
立憲行禮官請景階下立東宮官人詣太子東房次
禮直官等引太子內侍二人夾侍東宮官後從欽安
之樂作即席西向坐樂止引掌冠贊冠者以次詣壘
洗樂作揖易盥洗訖也易升樂止執折上巾者升掌
冠者降一等受之右執項左執前進皇太子席前北
向立祝曰咨爾元子肇冠於阼筮曰擇賓德成禮具
於焉斯年承天之祐乃跪冠順安之樂作掌冠者與
席前北向贊冠者進席前北面跪正冠與立於掌冠
者之後太子與內侍跪進服服訖樂止掌冠者揖太

子復坐禮直官等引掌冠者降詣壘洗如上儀贊冠
者進席前北向跪脫折上巾置于墮與內侍跪受與
置于席執遠遊冠者升掌冠者降二等受之右執項
左執前進太子席前北向立祝曰爰即令辰申加元
服崇學以讓三善皆得副予一人受天百福乃跪冠
懿安之樂作掌冠者與贊冠者進跪簪結紘與太子
與內侍跪進服服訖樂止掌冠者揖太子復坐掌冠
者降詣壘洗及贊冠者跪脫遠遊冠並如上儀執衮
冕者升掌冠者降三等受之右執項左執前進太子
席前北向立祝曰三加彌尊國本以正無疆惟休有

嘉靖丙辰年
天
監生谷有恒刊

室大競懋昭厥德保茲末命乃跪冠成安之樂作掌冠者興贊冠者如上儀跪簪結紘內侍進服服訖樂

止禮直官等引太子降自東階樂作由西階升即醴席南向坐樂止又引掌冠者詣壘洗樂作盥帨訖升西階

樂止贊冠者跪取爵內侍注酒掌冠者受爵跪進太子席前北向立祝曰旨酒嘉薦有飶其香拜受祭之

以定爾祥令德壽豈日進無疆太子搢圭跪受爵正安之樂作飲訖奠爵執圭大官令設饌席前太子搢

圭食訖樂止執圭興大官令徹饌爵禮直官等引自西階詣東房易朝服降立橫街南北向東宮官復位

西向太子初行樂作至位樂止禮直官等引掌冠贊冠者詣前西

向掌冠者少進字之曰始生而名為實之賓既冠而字以益厥文永受保之承天之慶奉敕字某太常博

士請再拜太子再拜訖搢笏舞蹈再拜奏聖躬萬福又再拜左輔承旨降自東階詣太子前西向宣曰有

敕太子再拜宣敕曰事親以孝接下以仁遠佞近義祿賢使能古訓是式大猷是經宣訖太子再拜訖禮

直官等引太子前俛伏跪奏稱臣雖不敏敢不祇奉奏訖興復位再拜訖引出殿門樂作出門樂止侍立

官並降復位典儀曰拜贊者承傳在位者皆再拜禮儀使奏禮畢鳴鞭大樂正令撞蕤賓之鐘左五

嘉靖丙辰年 宋史志卷之八 監生谷有桓刊

鐘皆應乾安之樂作皇帝降坐左輔奏解嚴放仗在
位官皆再拜退太子入內朝見皇后如宮中儀迺擇
日謁太廟別廟宿齋於本宮質明服遠遊冠朱明衣
乘金輅至廟改服衮冕執圭行禮群臣稱賀皇帝賜
酒三行

皇子冠前期擇日奏告景靈宮太常設皇子冠席文
德殿東階上稍北東向設褥席陳服于席南東領北
上九旒冕服七梁進賢冠服折上巾公服七梁冠簪
導九旒冕簪導同箱在服南設盥洗酒饌旒冕冠巾
及執事者並如皇太子儀其日質明皇帝通天冠絳

紗袍御文德殿皇子自東房出內侍二人夾侍王府
官從恭安之樂作即席南向坐樂止掌冠者進折上
巾北向跪冠脩安之樂作贊冠者進北面跪正冠皇
子興內侍跪進服訖樂止掌冠者揖皇子復坐以爵
跪進祝曰酒醴和旨邇豆靜嘉授爾元服兄弟具來
永言保之降福孔皆皇子搢笏跪受爵翼安之樂作
飲訖太官令進饌訖再加七梁冠進安之樂作掌冠
者進爵祝曰賓贊既成肴核惟旅申加厥服禮儀有
序允觀爾成承天之祐皇子跪受爵輔安之樂作太
官奉饌三加九旒冕廣安之樂作掌冠者進爵祝曰

旨酒嘉粟甘薦令芳三加爾服眉壽無疆永承天休
俾熾而昌皇子跪受爵賢安之樂作太官奉饌饌徹
皇子降易朝服立橫階南北向位掌冠者字之曰歲
日云吉威儀孔時昭告厥字君子攸宜順爾成德永
受保之奉敕字某皇子再拜舞蹈又再拜奏聖躬萬
福又再拜左輔宣敕戒曰好禮樂善服儒講藝蕃我
王室友于兄弟不溢不驕惟以守之皇子再拜進前
俛伏跪稱臣雖不敏敢不祇奉俛伏興復位再拜出
殿上侍立官並降復位再拜放仗明日百僚詣東上

閣門賀

公主笄禮年十五雖未議下嫁亦笄笄之日設香案
於殿庭設冠席於東房外坐東向西設醴席於西階
上坐西向東設席位於冠席南西向其裙背大袖長
裙褕翟之衣各設於陳于庭冠笄冠朵九翟四鳳
冠各置于槃蒙以帕首飾隨之陳于殿南執事
者三人掌之櫛總置於東房內執事官嬪盛服侍立
俟樂作奏請皇帝升御坐樂止提舉官奏曰公主行
笄禮樂作贊者引公主入東房次行尊者為之總髮吉
畢出即席西向坐次引掌冠者東房西向立執事奉
冠笄以進掌冠者進前一步受之進公主席前北向

立樂止祝曰令月吉日始加元服棄爾幼志順爾成
德壽考綿鴻以介景福祝畢樂作東向冠之冠畢席
南北向立贊冠者為之正冠施首飾畢揖公主適房
樂止執事者奉裙皆入服畢樂作公主就醴席掌冠
者揖公主坐贊冠者執酒器執事者酌酒授於掌冠
者執酒止向立樂止祝曰酒醴和旨遠嘉受爾
元服元第具來與國同休降福孔皆祝畢樂作進酒
公主飲畢贊冠者受酒器執事者奉饌食訖徹饌復
引公主至冠席坐樂止贊冠者至席前贊冠者脫冠
置于槃執事者徹去樂作執事者奉冠以進掌冠者

進前二步受之進公主席前北向立樂止祝曰吉月
令辰乃申爾服飾以威儀淑謹爾德眉壽永年享受
遐福祝畢樂作東向冠之冠畢席南北向立贊冠者
為之正冠施首飾畢揖公主適房樂止執事奉大袖
長裙入服畢樂作公主至醴席掌冠者揖公主坐贊
冠者執酒器執事者酌酒授于掌冠者執酒北向立
樂止祝曰賓贊既戒殺核惟旅申加爾服禮儀有序
允觀爾成永天之祐祝畢樂作進酒公主飲畢贊冠
者受酒器執事者奉饌食訖徹饌復引公主至冠席
坐樂作贊冠者至席前贊冠者脫冠置于槃執事者

徹去樂作執事奉九翬四鳳冠以進掌冠者進前三步受之進公主席前向北而立樂止祝曰以歲之吉以月之令三加爾服保茲永命以終厥德受天之慶祝畢樂作東向冠之冠畢席南北向立贊冠者為之正冠施首飾畢揖公主適房樂止執事者奉綸翟之衣入服畢樂作公主至醴席掌冠者揖公主坐贊冠者執酒器執事者酌酒授于掌冠者執酒北向立樂止祝曰旨酒嘉薦有飶其香咸加爾服眉壽無疆永承天休俾熾而昌祝畢樂作進酒公主飲畢贊冠者受酒器執事者奉饌食訖徹饌復引公主至席位立樂止掌冠者詣前相對致辭曰歲日具吉威儀孔時昭告厥字令德攸宜表爾淑美永保受之可字曰某辭訖樂作掌冠者退引公主至君父之前樂止再拜起居謝恩再拜少俟提舉進御坐前承旨訖公主再拜提舉乃宣訓辭曰事親以孝接下以慈和柔正順恭儉謙儀不溢不驕毋詖毋欺古訓是式爾其守之宣訖公主再拜前奏曰兒雖不敏敢不祇承歸位再拜見后母之禮如之禮畢公主復坐皇后稱賀次妃嬪稱賀次掌冠贊冠者謝恩次提舉衆內臣稱賀其餘班次稱賀並依常式禮畢樂作駕興樂止

公主下降初被選尚者即拜駙馬都尉賜玉帶龍衣銀鞍勒馬采羅百匹謂之繫親又賜辦財銀萬兩進財之數倍於親王聘禮出降賜甲第餘如諸王夫人之制掌扇加四引障花燭籠各加十皆行舅姑之禮諸親遞加賜賚其縣主繫親以金帶賜辦財銀五千兩納財賜賚大率三分減其二宗室女特封郡君者又差降焉嘉祐初禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采公主封爵已行

誕生不待問名若納成則既有進財請期則有司擇日宜稍依五禮之名存其物數俾知婚姻之事重而夫婦之際嚴如此亦不忘亡禮之義也時充國公主下嫁李瑋詔賜出降日令夫家三婚者具合用鴈幣玉馬等物陳於內東門外以授內謁者進入內侍掌事者受唯馬不入神宗即位詔以詩侍先帝恭聞德音以舊制士大夫之子有尚帝女者輒皆升行以避舅姑之尊豈可以富貴之故屈人倫長幼之序宜詔有司率之以厲風俗於是著為令仍命陳國長公主行舅姑之禮駙馬都尉王師約更不升行公主見舅

姑行禮自此始舊例長公主凡有表章不稱文禮院
議謂男子婦人凡於所尊稱臣若妾義貫相對今宗
室伯叔近臣悉皆稱臣即公主理宜稱妾況家人之
禮難施於朝廷請自大長公主而下凡上歲表各據
國封稱妾從王師約之請也康國公主下降太常寺
言按今公主出降申中書省請皇后帥宮闈掌事人
送至第外命婦從今請如令詔出降日婉儀帥宮闈
掌事者送至第外命婦免從徽宗改公主為姬下詔
曰在熙寧初有詔釐改公主郡縣主名稱當時群
臣不克奉承近命有司稽考前世周稱王姬見於詩

雅姬雖周姓考古立制宜莫如周可改公主為帝郡
主為宗姬縣主為族姬其稱大長者為大長帝姬仍
以美名二字易其國號內兩國者以四字其出降日
璿家具五禮修表如上儀太史局擇日告廟親迎前
一日所司於內東門外量地之宜西向設壻次其壻
父醮子如上儀乃命之曰往迎肅雍以昭惠宗祐子
再拜曰祇率嚴命又再拜降出乘馬至東華門內下
馬禮直官引就次有司陳帝姬鹵簿儀仗於內東門
外候將升厭翟車引壻出次於內東門外躬身西向
掌事者執鴈內謁者奉鴈以進侯帝姬升車壻再拜

先還第同牢其日初昏掌事者設巾洗各二於東階
東南一於室北水在洗東尊於室中實四爵兩盃於
篚壻至本第下馬以俟帝姬至降車贊者引壻揖之
以入及寢門又揖道之升階入室盥洗掌事者布對
位又揖帝姬皆即坐受醖三飲俱興再拜贊者徹酒
見舅姑夙興帝姬著花釵服綸翟以俟見贊者設舅
姑位於堂上舅位於東姑位於西各服其服就位女
相者引帝姬升自西階詣舅位前再拜贊者以棗棗
授帝姬奉置舅位前舅即坐贊者進徹以東帝姬退
復位又再拜女相者引詣姑位前再拜贊者以股脩
授帝姬奉置姑位前姑即位贊者亦徹以東帝姬退復
位又再拜次醴婦盥饋饗婦如儀

諸王納妃宋朝之制諸王聘禮賜女家白金萬兩敵門
即粘之用羊二十口酒二十壺綵四十匹定禮羊酒綵
各加十茗百斤頭滷巾段綾絹三十匹黃金釵釧
四雙條脫一副真珠琥珀瓔珞真珠翠毛玉釵朶各
一副銷金生色衣各一襲金塗銀合二錦繡綾羅三
百匹果槃花粉花冪眠羊卧鹿花餅銀勝小色金
銀錢等物納財用金器百兩綵千匹錢五十萬錦綺
綾羅絹各三百匹銷金繡畫衣十襲真珠翠毛玉釵

朶各三副函書一架纏束帛押馬函馬二十匹羊五十口酒五十壺繫羊酒紅絹百匹花粉花纂果盤銀勝羅勝等物親迎用塗金銀裝肩輿一行障坐障各一方團掌扇四引障花十樹生色燭籠十高髻釵插并童子八人騎分左右導扇輿其宗室子聘禮賜女家白金五千兩其敵門定禮納財親迎禮皆減半遠屬族卑者又減之政和三年四月議禮局上皇子納夫人儀采擇使者曰奉制某王之儷屬子懿淑謹之重之使其行采擇之禮儷者入告主人曰臣某之子顯愚不足以備采擇恭承制命臣某不敢辭問名使

者曰某王之儷采擇既諧將加官占奉制問名儷者入告主人曰制以王某之子可以奉侍某王臣某不敢辭告吉使者曰官占既吉奉制以告儷者入告主人曰臣某之子愚弗克堪占既之吉臣與有幸臣某謹奉典制告成使者曰官占云吉嘉偶既定制使某以儀物告成儷者入告主人曰奉制賜臣以重禮臣某謹奉典制告期使者曰消辰之良某月某日吉制使某告期儷者入告主人曰臣某謹奉典制前期太史局擇日奏告景靈宮賜告前一日主人設使者次如常儀使者以內侍為之又設告箱之次於中門外北向隨闕

所向設香案於寢展其日大所使者公服至主人出
迎於大門外北向再拜使者不答拜謁者引使者入
門而左主人入門而右舉告箱者同入立香案
左使者在右舉告箱者以告置于香案女相者引夫
人出面闕立使者稱有制女相者贊再拜使者曰賜
某國夫人告又贊再拜退使者出自皇帝醮戒於所御
之殿皇子乘象輅親迎同牢夫人朝見盥饋皇帝皇
后饗夫人如儀其諸王以下納采賓曰某官以伉儷
之重施於某王某王謂婿某王率猶彝典以某
事敢請納采某王謂婿以某謂賓賓者入告主人曰某之

閑於姆訓維是服脩妻與之饋未知所以告虔也某
聽命于廟敢不拜嘉問名賓曰合二姓之好必稽諸
龜筮敢請問名賓者入告主人曰某王恭謹重正昏
禮將以加諸卜某敢不以告納吉賓曰某王承嘉命
稽諸卜筮龜筮協從使某以告賓者入告主人曰某
王不忘寒素欲施德於某未教之女而卜以言告其
曷敢辭納成賓曰某官以伉儷之重施於某王某王
謂婿率猶彝典有不腆之幣以某將事敢請納
成賓者入告主人曰某王順彝典申之以備物某敢
不重拜嘉請期賓曰某王謹重嘉禮將卜諸近日使

某請期償者入告主人再辭償者出告賓曰某既不獲受命於某官某王得言卜曰某日敢不以告償者入告主人曰謹奉命以從親迎前一日主人設賓次賓謂如常儀其日六所婿之父服其服告於禰廟
者設神位於廟東子將行父醮之於廳事贊者設父
不應設位者不設公服升自西階進立位前贊者注酒於醴西向授子
子再拜跪受贊者有又設饌父位前子舉酒興即坐飲
食訖降再拜進立於父位前命之曰躬迎嘉偶釐爾
內治子再拜曰敢不奉命又再拜降出詣女家主人

服其服告於禰廟如生期之儀賓將至主人設神位
於寢戶外之西設醴又位於戶內南向具酒饌賓至
贊者引就次女盛服於房中就位南向立姆位於右
從者陪其後父公服亦自東階立於寢戶外之東西
向內贊者設酒饌女就位坐飲食訖降再拜內贊者
徹酒饌主人降立東階東南西南面贊者引賓出次立
於門西東面償者進受命出請事賓曰某受命於父
以茲嘉禮躬聽成命償者入告主人曰某回頭從命
償者出告訖入司主人迎賓大門外之東西面揖賓
賓報揖主人入門而右賓入門而左執鴈者從入陳

鴈於庭三分庭一在南北向三人并立于東階上西
面賓升西階進當寢戶前北面無拜降出主人不降
送賓初入門毋出立於寢門外之西南面賓拜訖毋
引女出於母左父命之曰往之汝家以順為正無忘
肅恭毋戒之曰必恭必戒無違舅姑之命庶毋由之
曰爾誠聽於訓言毋作父母羞女出門婿先還第其
同牢廟見見舅姑諸禮皆如儀凡宗室婚姻治平中
宗正司言宗室女舅姑夫族未立儀制皆當知法詔
婿家有二世食祿即許娶宗室女未仕者與判司簿
尉已任者隨資序推恩即婿別祖女別房舊為婚姻

而於今卑尊不順者比許婿之二代鄉貫年月入
書劄止令婚主問驗以告宗正寺大宗正司詳
視如條保明所進財皆賜婿家令止於本宮納財媒
妁使令之人非理求肉許告宗室女事舅姑及見夫
之族親皆知臣庶之家其後又令宗室女再嫁者祖
父有二代於殿立若州縣官已上即許為婚姻熙寧
十年又詔庶袒免以上親不得與雜類之家婚嫁謂
舅嘗為僕姑嘗為娼者若父母所化外及見居沿邊
兩屬之人其子孫亦不許為婚總歷以上親不得與
諸司胥吏出職納粟得官及進納伎術二商雜類惡

逐之家子孫通婚後又禁兩姓應嫁者委主婚宗
室擇三代有任州縣官或殿且以上者列姓名家世
川里歲數奏上宗正司驗實名保付同伴者官繫聽
期而行嫁女則令其婿不以其事成婚者以違制
論王婚宗室與媒保同坐不以裁娶自首者減罪吉
者有賞非袒免親者依庶姓法宗室離婚委宗正司
審度若如律有可出之實或平死方聽若無故括
拾者劾奏如許聽離追元賜予物給還嫁資再娶者
不給賜非袒免以上親與八聽離再嫁者委宗正司
審核其恩澤已追奪而乞與後夫者降一等尋詔宗

文母得與營娶人結婚再適者不用此法

品官婚禮納采問名納吉納成請期親迎同牢廟見

見舅姑醴婦醴饋饗婦送者並如諸王以下婚四

品以下不用筮饋饗婦神

士庶人婚禮年問名於納采并請期於納成其無雁

奠者三舍生聽用羊鹿人聽以雉及鷄鶩代其辭稱

吾子親迎質明掌事者設禰位廳事東間南向壻之

父服奠服北面再拜祝曰某乎某年若干禮宜有室

聘某女弟幾女以某日親迎敢告子將行父坐廳事

南向子張其服三舍生及官子孫假九立父位西

少南東向贊者注酒於醢授子子再拜跪受贊者又
 以饌設位前子濯酒興即坐飲食訖降再拜進立父
 位前之曰重爾山治往求爾匹子再拜曰敢不奉
 命又再拜降出初婚掌事者設酒饌室中置二醢於
 祭壻服其服前服至父家贊者引就次掌事者設
 禰位主人受禮知請期之儀主人謂女盛服立房中
 父升階立房外之東西向於南向者各隨其所向父
 贊者注酒於醢授女女再拜受醢贊者又以饌設於
 位前女即坐飲食訖降再拜父降立東階下賓出次
 饋謂主人迎于門揖賓入賓執揖從入主人升東階

西面賓升西階進當房戶前北面掌事者陳鴈于階
 賓曰某受命於父以茲嘉禮躬聽成命主人曰某固
 願從命賓再拜降出主人不降送初女出父戒之曰
 往之汝家無忘肅恭母戒之曰夙夜以思無有違命
 諸母申之曰無違爾父母之訓女出壻先還俟于門
 外婦至贊者引就北面立壻南面揖以入至於室掌
 事者設對位室中壻婦皆即坐贊者注酒於醢授壻
 及婦壻及婦受醢飲訖迎設饌再飲三飲並如上儀
 壻及婦皆起再拜贊者徹酒饌見祖禰見舅姑禮婦
 饗送者如儀

志卷第六十八

宋史志卷第六十八

志卷第六十九

宋史一百十六

開府儀同三司 舊儀 國量 聖 國書 丞相 儀 國史 領 經 進 事 都 總 教 監 殿 等 奉 報

禮十九 賓禮

大朝 饋 儀

周官司儀掌九儀賓客禮相詔三南鄉以朝諸侯大行人掌大賓之禮大客之儀以親諸侯蓋君臣之際體統雖嚴然而接以仁義辨以威儀實有賓主之道焉是以小雅鹿鳴燕喜臣下皆以嘉賓禮之來之朝儀政和詳定五禮列為賓禮今修宋史存其舊云

宋史一百十六 禮十九 賓禮

大朝會宋孝前代之制以元日五月朔冬至行大朝會之禮太祖建隆二年正月朔始受朝賀於崇元殿服交冕設宮縣侍衛如儀仗退群臣詣皇太后宮門奉負常服御履徽殿群臣上壽用教坊樂五月朔受朝賀於崇元殿帝服通天冠絳紗袍宮縣儀仗如元會儀乾德二年冬至受朝賀於文明殿四年於朝元殿賀畢常服御大明殿群臣上壽始用雅樂登歌二舞群臣酒五行罷太宗淳化三年正月朔命有司約開元禮定上壽儀皆以法服行禮設宮縣萬舞酒三行罷其宗咸平三年五月朔雨命攷仗百官常服起居於長春殿退請正衙立班宣制仁宗天聖四年十一月詔明年正月朔先率百官赴會慶殿上皇太后壽酒畢乃受朝天安殿仍令太常禮院修定儀制五年正月朔曉漏未盡三刻率百官與遼使諸軍將校並常服班會慶殿內侍請皇太后出殿後陞鳴鞭升坐又請殿後皇帝暫引皇帝服鞞袍於簾內北向褥位帝拜跪稱萬歲元正啓初萬物惟新伏惟皇號皇太后陛下壽萬壽無疆與天同休內常侍奉旨答曰履新之祐與皇帝同之壽無拜請皇太后御坐稍東內給侍酌酒後內謁者監進帝進誌以

不是一頁十六

一頁十六

一頁十六

盤興內謁者監承接之帝却就德也跪奏曰臣某稽
首言元正令節不勝大慶謹上千萬壽萬壽萬壽拜內常
侍宣答曰奉舉皇帝壽酒帝再拜跪盤侍立奏坊樂
止皇帝受虛醜還帳通事令人引曰官儀行典禮資
再拜舞蹈起居太尉升自西階禮有儀外降還位皆
再拜舞蹈侍中承旨曰有制曰再拜宣曰履新之吉
與公等同之皆再拜舞蹈閣門使等奏宰臣某以
下進壽酒皆再拜太尉升自東階翰林使酌御酒盞
授太尉執盞跪進簾外內謁者監跪接以進太尉
跪奏曰元正令節臣等不勝慶抃謹上千萬歲壽降

還位皆再拜宣徽使承旨曰舉公等觴皆再拜太尉
升立簾外樂上內謁者監出簾授虛盞太尉降階橫
行皆再拜舞蹈宣徽使承旨曰群臣升殿再拜升及
東西廂坐酒三行侍中奏禮畢退樞密使以下迎乘
輿於長春殿起居稱賀百官就朝堂易朝服班天安
殿朝賀帝服袞冕受朝禮官通侍令人引中書令門
下侍郎各於案取所奏文詣褥位跪劄以次升分
東西立諸方鎮表祥瑞案先置門外左右令使繼衣
對舉給侍中押祥瑞中書侍郎押表案入分詣東西
階下對立既賀更服通天冠絳紗袍舞觴上壽止樂

西齋家輿還內恭謝太后如常禮神宗元豐元年詔
 罷圖閣直學士文館脩撰家敏求等詳定正殿御殿
 儀注敏求遂上朝會儀二篇令式四十篇詔頒行之
 其制元正冬至大朝會有司設御坐大慶殿東西房
 于御坐之左右心北東西閣于殿後百官宗室客使
 次于廟堂之內外五輅先陳于庭兵部設黃麾仗于
 殿之內外大樂令使宮架之樂于橫街南鼓吹令分
 置十二案于宮架外協律郎二人一位殿上西階之
 前楹一位宮架西北俱東向陳輿一御馬于龍墀
 殿于沙墀貢物于宮架南餘則列大慶門外

陳布將士于街左右金吾六軍諸衛勒所部列黃麾
 仗于門及殿庭百僚客使等俱入朝文武常服言
 朝服陪位官公服近仗就陳于閣外大樂令樂工協
 律郎入就位中書侍郎以諸方鎮奏案給事中以祥
 瑞案侯于大慶門外之左右中書侍郎給事中諸侍衛
 官各服其器服筆出至西閣降階贊皇郎奉寄語問
 門奉迎百官客使陪位官俱入就位侍中啟奏中殿
 又奏外辦殿上鳴鞭宮懸橫黃鐘之鐘石五鐘皆應
 內侍承旨索扇扇合帝服通天冠綈紗袍御輿出協
 律郎舉麾奏乾安樂鼓吹作帝出自西房降輿即

坐扇開殿下鳴鞭鳴律即應麾樂止爐煙升符寶即
奉寶置御坐前中侍即然事中押表案祥瑞案入
詣東西階下對立百官宗室及遠侍班分東西以次
入止安樂作舞位樂止押樂官歸本班起君畢復案
位三師親王以下及御史臺外正任遠使俱就北向
位與儀贊在位者皆再拜起是說太尉將升中書令
門下侍郎俱降至西階下謂太尉行則樂上太尉詣
西階下解劔脫烏升殿中書令門下侍郎各於案取
所奏之文詣褥位解劔脫烏以次升分東西立以俟
太尉詣御坐前北向跪奏文武百寮太尉具官臣某

等言元正啓祚萬物咸新冬上易為聖運伏惟皇帝
陛下應乾納祐與天同休俛伏興降階佩劔納烏餘
進還位在位官俱再拜舞蹈三擗萬歲壽拜侍中進
當御坐前奉旨退臨階西向經制宣答曰履新之慶
冬上易曰與公等同之贊者曰拜舞蹈三擗萬歲壽
行官分班立中書令門下侍郎并詣御坐前各奏諸
方鎮表及祥瑞訖戶部尚書訖丞相制位脫仗跪奏諸
州貢物請付所司禮部尚書奏諸著貢物如之司天
監奏雲物祥瑞請付史館皆如上儀侍中進當御坐
前奏禮畢殿上奉旨索扇殿下鳴鞭官懸撞鐘實之

鐘左五鐘皆應協律郎舉麾宮縣奏乾安樂鼓吹振
作帝降坐御輿入自東房扇開偃麾樂止侍郎奏解
嚴百官退還次客使陪位官並退有司設食案大樂
令設登歌殿上二舞入立于架南預坐當升殿者位
御坐之前文武相向異位重行以止為上非升殿者
位于東西廊下尚食奉御設壽等子殿東楹少南設
站于尊南加爵一有司設上下群臣酒尊殿下東西
廂侍衛官及執事者各立其位仗衛仍立俟上壽百
官立班如朝賀儀侍中版奏中嚴外辦聞鳴鞭索扇
帝服通天冠絳紗袍御輿出東房樂作帝即坐扇開

樂止贊拜畢先祿卿詣橫街南跪奏具官臣某言請
先群臣上壽與侍中奉旨稱制可少退舍人曰拜光
祿卿再拜訖復位三師以下就位贊者曰拜在位者
皆拜舞三稱萬歲太尉升殿詣壽所立向尚食奉
御酌御酒一爵授太尉指勿執爵詣前跪進帝執爵
太尉出笏俛伏與少退跪奏文武百寮太尉具官臣
某等稽首言元正首祚臣等不勝大慶謹上千万壽
俛伏與降復位贊者曰拜在位者皆拜舞三稱萬歲
侍中奉旨退西向宣曰舉公等錫贊者曰拜在位者
皆拜舞三稱萬歲立向班分東西序立太尉自東階

宋史一百一十六
卷一百一十六
禮儀志第六十一
大正

侍立舉第一爵和安樂作飲畢樂止太尉之虛爵復於坊降階三師以下贊拜舞鳴標萬歲如上儀侍中進奏侍中具官臣某言請延公王等升殿俛伏興降復位侍中丞旨退齋有制贊者曰拜在位者皆再拜宣曰延公等升殿贊者曰拜在位者皆再拜公三等詣東階升立於席後尚食奉御進酒殿中監省酒以進帝舉第二爵登歌作甘露之曲飲訖殿中監受爵樂止群臣升殿就橫行位舍人曰各賜酒贊者曰拜群官皆再拜三稱萬歲舍人曰就坐太官令行酒播芻受酒宮縣作正安之樂文舞入立宮架北鶴行一周凡行酒訖並太官令奏巡周樂止尚食進食以次置御坐前又設群官食訖太官令奏食編太官丞引盛德升聞之舞入作三變止出殿中監進第三爵群官立席後登歌作瑞木成文之曲飲訖樂止殿中丞受虛爵舍人曰就坐群官皆坐又行酒作樂進食如上儀太樂丞引天下大定之舞作三變止出殿中監進第四爵登歌奏嘉禾之曲如第三爵太官令行酒又一周樂止舍人曰可起百寮皆立席後侍中進御坐前跪奏禮畢俛伏興與群官俱降階復位贊者曰拜皆再拜舞蹈三稱萬歲起分班立殿上索扇

扇合殿下鳴鞭太樂令撞殿賓之鍾左右鍾皆應協
律郎俛伏舉麾太樂令奏燕安之樂鼓吹振作帝
降坐御輿入自東房扇開樂止侍中奏解嚴所司承
旨放仗百寮再拜相次退舊制朝賀上壽帝執鎮圭
至是始罷不用元祐八年太常博士陳祥道言貴人
賤馬古今所同故觀禮馬在庭而侯氏升堂致命聘
禮馬在庭而賓升堂茲觀今元會儀御馬立於龍墀
之上而特進以下立於殿是不稱尊賢才體群臣之
意請改儀注以御馬在庭於義為允舊制五月朔受
朝熙寧二年詔罷之元符元年四月得傳國受命寶

禮官言五月朔於故事當大朝會乞就是日行受寶
之禮依上尊號寶冊儀前一日帝齋于殿內翼日服
通天冠絳紗袍御大慶殿降坐受寶群臣上壽稱賀
其後徽宗以元日受八寶及定命寶冬至日受元圭
皆于大慶殿行朝賀禮新儀成改元豐儀太尉為上
公侍中為左輔中書令為右弼太樂令為大晟府盛
德升聞為天下化成之舞天下大定為四夷來王之
舞及增刑部尚書奏天下斷絕請付史館餘並如舊
儀凡遇國恤則廢若無事不視朝則下敕云不御殿
群臣進表稱賀于閣門紹興十二年十月臣僚言竊

以元正一歲之首冬至一陽之復聖人重之制為朝
賀之禮焉自上世以來未之有改也漢高祖以五年
即位而七年受朝于長樂宮我太祖皇帝以建隆元
年即位受朝于崇元殿主上臨御十有六年正至高
賀初未嘗講艱難之際宜不違暇茲者太母還宮國
家大慶四方來賀宜惟其時欲望自今元正冬至舉
行朝賀之禮以明天子之尊庶幾舊典不至廢墜禮
部大常寺考定朝會之禮依國故事設黃麾大仗車
輅法物樂舞等百寮服朝服再拜上壽宣王公升殿
間飲一周詔自來年舉行十一月權禮部侍郎王貴

等言朝會之制正口冬至及大慶受朝受賀係御大
慶殿其文德紫宸山拱殿禮制各有不同月朔視朝
則御文德殿謂之別殿正衙仍坐黃麾半仗紫宸垂
拱皆係側殿不設儀仗元正在近大慶殿之禮事務
至多乞候來年冬至別行取旨詔從之明年閏四月
依汴京故事遇行大禮則冬至乃次年正日朝會皆
罷十四年九月有司言明年正日朝會請權以文德
殿為大慶殿合設黃麾大仗五千二十七人欲權減
三分之一合設八寶於御坐之東西及登殿宮架樂
舞諸州諸蕃貢物行在致仕官諸路貢土要首並令

立班認從之十五年正旦御大慶殿受朝文武百官朝賀如儀

常朝之儀唐以宣政為前殿謂之正衙即古之內朝也以其宸為便殿謂之入閣即言之燕朝也而外又有含元殿含元非正至大朝會不御正衙則日見群臣百官皆在謂之常參其後此禮漸廢後唐明宗始詔群臣每五日一隨宰相入見謂之起居宋因其制皇帝日御垂拱殿文武官日赴文德殿正衙日常參宰相一人押班其朝朔望亦於此殿五日起居則於崇德殿或延善殿中書門下為班首長春即垂拱也

至元豐中官制行始詔侍從官而上日朝垂拱謂之常參官百司朝官以上每五日一朝紫宸為六參官在京朝官以上朔望一朝紫宸為朔參官為參官遂為定制

正衙常參國朝之制兩省臺官文武百官每日赴文德殿立班宰相一員押班常朝官有詔旨免常朝及勾當更番宿者不赴遇假併三日以上即橫行參假宰相參知政事及免常朝者悉集禱禱者聽聽驛驛正衙班取別官見謝辭者皆赴正衙其日文武班尚書上將軍以下並先立於殿門之外東西相

宋史一百一十六

直文行門指樞使率行門起居如傳宣前
發不坐即宰相樞密使文明殿學士三司使翰林樞
密直學士中書舍人三司副使知起居注皇親內監
庫藏朝官諸司使副內殿崇奉供奉官侍崇慶百餘
林警官待詔等司班入次親王侍衛親軍馬步軍都
指揮使率軍校至副都指揮使次使相次節度使次
統軍次兩使留後觀察使次團練使使副次侍
衛馬步軍使都頭起居畢見謝班入如侍宗德殿殿
宸殿即樞密使以下先就班候升坐
對立餘皆北面宰相參知政事最後入
殿五分東西

止舞拜朔望及三日假樞密使以下皆舞蹈早朝則
宰相樞密使退候宰相對華樞密使復入奏事次三司
開封府審刑院及群臣以次登殿兩省以上
時請對自餘受使出
者殿回奏事則聽先
奏凡見者先之謝次之辭又次之
出使閣慢或未升
朝官或止拜於門
階前及升殿上將軍觀察使內以上得拜殿惟宰相
親王使相赴崇德殿即宣徽使通喚餘皆側立候通
舞拜奏瑞致辭即不舞瑞見即將相升殿問聖體其
賜分物酒食及收進奉物皆瑞稱謝物皆入謝幕

職州縣官謝辭則別登官引對無不嚴門外宣讀或
勵凡國有人慶瑞及公師屠長推密使率內職軍技
入宵致辭闕門受宣奉宰相致辭官微使宣答如賜
酒即預坐官後入作樂送酒如曲宴之儀晚朝則宰
相福容論於學士當直者消近侍執事之巨皆赴乾
德六年九月始以旬假日御講武殿又名近臣但赴
早參拜禮以下其節儀及大祀並令如式開
寶九年四月詔旬休日不視事及太宗即位復如舊
視朝退進食訖則易服御崇文殿先群臣皆謝次軍
頭引見司奏事于殿下次三坐審官院流內銓刑部

及諸司引見官更如假日起居對見畢即移御坐臨
軒視事既退復有奉事或闕器物之式者謂之後幾
每坐淳化三年令有司中舉十五條常奉文武官或
有朝堂有彩禮跪拜待漏行立大序談笑喧譁入正
衙門執事不端行立遲緩至殿前行立不正趨奔失
儀言語微喧穿班仗出闕門不即就班無故離位廊
下食行坐失儀入朝及退朝不從正衙門出入非公
事入中書者奉一月有司察舉非不伏者錄奏
與降景德二年光祿寺丞龔易言竊觀之禮敬常朝
班不及三四十人蓋以凡掌禮務止於五日起居願

西國令...
...
二十四司諸司寺監朝臣內發廷外並赴文德殿
常奉其壽刑院大理寺高直官兩府判官推官司
錄兩縣司天監翰林天文監倉場庫務等仍免大中
祥符二年御史知雜趙湘言伏見常未嘗每日趨朝
多不整肅舊制並早赴待漏院候開內門齊入伏候
每日逾辰以朝以發後時方入又風雨寒暑即多稱
疾宣令知班驅使官視班入晚者申奏疾者遣醫親
視天禧四年十月中書門下言唐朝故事五日一開
延英復日視事雙日不坐方今中外憂寧政刑清簡

望準舊事三日五日一臨軒聽政雙日視事雙日不
坐至於刑章錢穀事務遺差臣僚除急切大事須面
對外餘並令中書樞密院附奏詔禮儀院詳定雙日
前後發不坐雙日視事或於長春殿或於承明殿應
內殿起居群臣並依常日起居餘如中書門下之儀
俄又請復日承明殿常朝依假日便服視事不鳴鞭
詔可康定初詔中書樞密三司大節大忌給假一日
小節旬休並後殿奏事前後毋得過五班餘聽後殿
對御厨給食假日崇政殿衣漏上入內進食候再坐
後對神宗即位御史中丞王陶以皇祐編敕宰臣押
知文百十六

班儀制移中書謂天子新即位大臣不應廢朝儀
不報舊制祖宗以來日御垂拱殿待制諸司使以上
俱赴而百官班文德殿曰常朝五日皆入曰起居平
時宰相垂拱殿奏事畢赴文德殿押班或日晏未退
則閣門傳宣放班多不復赴王陶以韓琦曾公亮違
故事不押班為不恭劾之琦公亮上表待罪且言唐
及五代會要月九開延英則餘日宰相當押正衙班
及延英對日未御內殿前傳宣放班則宰相不押正
衙班明矣自祖宗繼日臨朝宰相奏事至祥符初始
詔循故事押文德班以妨職浸廢乃至今日請下太
常禮院詳定陶坐糾司馬光代為中丞請令宰相遵
國朝舊制押班不須詳定尋詔宰相春分辰初秋分
辰正垂拱殿未退聽勿赴文德殿令御史臺放班光
又言垂拱奏事畢春分以後鮮有不過辰初秋分以
後鮮有不過辰正然則自今宰相常不至文德殿押
班請春分辰正秋分巳初奏事未畢即如今詔廢儀
此禮不至遂廢遇詔春秋分率以辰正熙寧六年正
月西上閣門副使張誠一言垂拱殿常朝先內侍唱
內侍都知以下至宿衛行門計一十八班起居後通
事舍人引宰相樞密使以下六班入次親王次侍衛

事舍人引宰相樞密使以下六班入次親王次侍衛

馬步軍都指揮以下次皇親使相以下十班入方引見謝辭或過百官起居日自行門後通事令人引摠密以下次親王使相以下至刺史十班入方奏兩巡使起居立定方引兩省官入次閣門引宰臣以下六班入定起居畢候百官出絕兩省班出次兩巡使出中書樞密方奏事已是日高況大班本不分別丞郎給諫臺省及常參官今獨使相以下曲為分別丞相占時刻請過香拱殿百官起居日將親王以下十班合為四班親王為一班侍衛馬步軍都指揮使為一班皇親使相以下至刺史重行異位為兩班可減六班如垂拱殿常朝不係百官起居或紫宸殿百官起居其親王使相以下班並依舊儀序入起居從之九月五日進使李端懿三近期望御文德殿視朝祁寒盛暑數煩清暉而紫宸之朝歲中罕御請朔日御文德既望坐紫宸殿幾正衙內殿朝儀並舉從之元豐八年二月詔請三省御史臺寺監長貳開封府權判官六參職事官亦縣丞以上寄祿升朝官在京釐務者望參不釐務者朔參哲宗元祐四年十月以戶部尚書呂公孺言詔朔參官兼赴望參望參官兼赴六參五年詔權侍郎並日參紹聖四年十月御史臺言望參任官

到闕朝見訖並令赴朔望參尋又言元豐官制朝參
班序有日參六參四正次朔參已著為令元祐中改朔
參無赴望參望參無赴六參有矣先朝分別等差之
意止依元豐儀人從之政和詳定五禮新儀有文德
殿月朔視朝儀紫宸殿望參儀垂拱殿四參儀紫宸
殿日參儀垂拱殿日參儀崇政殿日參儀崇政殿假
日起居儀其六不載中興仍舊制乾道二年九月閣
門奏垂拱殿四參山參官謂宰執侍從武臣正位皇
女臣卿監員郎監御史已上皇
帝坐先讀奏日知閣以下次御帶環衛官以下次忠
佐殿前都指揮使以下次殿前司員次皇太子次

行門已上逐班並常起居次樞密學士待制樞密都
承旨以下知閣并祇應武功大夫以下通班常起居
次親王次馬步軍都指揮使次使相次馬步軍員僚
已上逐班並常起居次殿中侍御史入側宣大起居
訖歸侍立位次宰執以下並兩省官文臣百官入相
向立定通班面北方大起居訖凡常起居兩拜三
起居七拜三省
升殿侍立次兩省官次殿中侍御史對揖出三省
樞密院奏事次引見謝辭次引巨僚奏事訖皇帝起
詔今後遇四參日分起居班次可移殿中侍御史及
宰執以下百官班令次樞密以下班起居却令親王

并發前都指揮使以下武前司員僚逐班於堂敷以
下班後起居餘並從之淳熙七年九月詔自今書
殿日參宰臣特免官名嘉定十二年正月臣僚奏
見皇帝御正殿或御後殿固可間舉四參官亦有定
日近者每日改常朝為後殿四參之禮亦多不講正
殿後殿四參間免陛下臨朝之日固未嘗輟而外廷
不知聖意或謂姑從簡便非所以肅百執事也常朝
之禮止於從臣後殿之儀從臣不與四參止及卿郎
而乃累月僅或一舉咫尺天威疎簡至此非所以尊
君上而勵百辟也伏願陛下嚴常朝後殿四參之禮

起群下肅諱之心彰明時厲補之治豈不偉哉從之
初群臣見辭謝日赴正衙淳化二年知雜御史張郁
言正衙之設謂之外朝凡群臣辭見及謝先詣正衙
見訖御史臺具官位姓名以報閣門方許入對此國
家舊制也自乾德後始詔先赴中謝後詣正衙而文
武官中謝後次日並赴正衙內諸司遙領刺史閣門
通事舍人以上新授者亦赴正衙辭謝出使急速免
衙辭者亦具狀報臺違者罰奉一月其內諸司職官
并將校使刺史以上新授者欲望同百官例赴正衙
謝從之元豐既定朝參之制侍御史知雜事蒲中行

上言文德正衙之制尚存常朝之虛名龍襲橫行之謬
例有司失於申請未能釐正兩省臺官文武百官赴
文德殿東西相向對立宰臣一員押班聞傳不坐則
再拜而退謂之常朝遇休假併三日以上應由殿起
居官畢集謂之橫行自宰臣親王以下應見謝等者
皆先赴文德殿謂之過正衙然在京釐務之官例以
別敕免參宰臣押班近年已罷而武班諸衙本朝又
不常置故今之赴常朝者獨御史臺官與臺官待次
階官而已今垂拱內殿宰臣以下既已日參而文德
常朝仍復不廢然謬倒置莫此為甚至於橫行參假

與夫見謝辭官先過正衙雖沿唐之故事然必俟天
子御殿之日行之可也詔下詳定官制所言天子
日聽政於垂拱以接執政官及內朝之臣而更於別
殿宣敕不坐實為回習之誤兼有執事升朝官五日
一赴起居而未有執事者反謂之參疏數之節尤為
未當又辭見謝自己入見天子則前殿正衙對拜為
虛文其連遇朝假則百官司赴大起居不當復有橫
行參假宜如中行言於是常朝正衙橫行之儀俱罷

志卷第六十九

志卷第七十

宋史一百十七

開府儀同三司在國錄國軍事前書丞相駱國史領經進事都總裁臣脫脫等奉

勅修

禮二十 禮儀二


入閣儀 明堂聽政儀 肆赦儀 附

皇太后 垂簾儀

皇太子 正至受賀儀

皇太子 與百官師保相見儀

入閣儀唐制天子日御正衙以見群臣必立仗朔望
薦食陵寢不能臨前殿則御便殿乃自正衙喚仗由
宣政兩門而入是謂東西上閣門群臣俟於正衙者
因隨以入故謂之入閣五代以來正衙既廢而入閣



亦希闊不講宋復行之建隆元年八月朔太祖常服御崇元殿設仗衛文武百官入閣始置待制候對官乃以工部尚書竇儼待制太常卿邊光範候對仗退賜食廊下乾德四年四月朔帝服通天冠絳紗袍御崇元殿視朝設金吾仗衛群臣入閣太宗淳化二年十一月詔以十二月朔御文德殿入閣令史館修撰楊徽之張洎定為新儀前一日有司供帳於文德殿

宋初日是日既明先列文武官于殿庭之東西百官軍校行軍副使等序班於正衙門外屏南階下次御史中丞三院御史序立中丞獨穿金吾班過揖兩班

一揖歸本位次監察御史兩員立於正衙門外北階上北面立次中書門下文明翰林樞密直學士兩省官分班立次司天奏辰刻次閣門版奏班齊皇帝服鞞袍乘輦至長春殿駐輦樞密使以下奏謁前導至文德殿殿上承旨索扇捲簾皇帝升位扇却儀鸞使焚香次文武官等拜次司天鷄唱次閣門勅契次閣門使承旨呼四色官喚仗南班有辭謝者再拜先退中書門下班對揖序立正衙門外屏北階上次翰林學士兩省官中丞侍御史序立次金吾將軍押細仗入正衙門後橫行拜訖分行上黃道仗隨入金

嘉靖丁巳年
監生張汝譜刊

吾將軍至龍墀分班揖訖序立次吏部侍郎執文武班簿入對揖立次中書門下學士兩省御史臺官入北面拜訖上黃道將至午階殿鞞急趨赴丹墀彈奏御史至吏部侍郎南便落黃道急趨就位起居即舍人至兵部吏部侍郎後急趨而進飛至香案前皆揖訖序立次金吾大將軍先對揖並鞠躬殿鞞鞞行至折方石位又對揖北行至奏事石位鞠躬一員奏軍國內外平安倒行就位次引文武班就位揖訖鞠躬殿鞞急趨入沙墀次引侍從班橫行宰相祝月起居畢分班序立文武兩班出序立於衙門外刑法待制官

赴監奏位中書門下夾香案侍立兩省御史臺官學

士兵部吏部侍郎金吾將軍監閣御史並相次出就

衙門外立惟學士立門側此候等使中書門下詣香案前奏曰中

書公事臣等已具奏聞訖乃退揖殿出次刑法官

待制官各奏事並宣徽使答訖乃出就班次彈奏官

左右史出閣內失儀者彈紀如式彈奏官失儀起居

郎紀之起居即失儀閣門使紀之閣門使失儀宣徽

使紀之凡出者皆鞞鞞急趨揖殿次中書門下學士

就位閣門使宣放仗再拜賜廊下食又再拜次閣門

使奏閣內無使文武官出殿上索扇去簾蓋還宮其

賜廊下食自左右勤政門北東西兩廊文東武西以
 北為上立定中丞至本位面南一揖乃就坐食至臺
 吏贊乃搢笏食訖復贊食畢而罷五月朔命有司
 增黃麾仗二百五十人令文武官隨中書門下橫行起
 居徙翰林學士位于參知政事後與節度使分東西
 揖殿出真宗凡三行之景德以後其禮不行仁宗從
 知制誥李淑議仍讀時令詔禮官詳定儀注以言者
 謂未合典禮而罷熙寧三年知制誥宋敏求等言奉
 詔重修定閣門儀制內文德殿入閣儀按今文德殿
 唐宣政殿也紫宸殿唐紫宸殿也然祖宗親朝皆嘗

御文德殿入閣唐制常設仗衛于宣政殿或遇上坐
 紫宸殿喚仗入閣如此則當御紫宸殿入閣方合舊
 典翰林學士王珪等議按入閣者乃唐舊日紫宸殿
 受常朝之儀也唐紫宸與今同宣政殿即今文德殿
 唐制天子坐朝必立仗于正衙若上御紫宸即喚正
 衙仗自宣政殿東西閣門入故為入閣五代以來遂
 廢正衙立仗之制今閣門所載入閣儀者正是唐常
 朝之儀非盛禮也自是入閣之禮遂罷敏求又言本
 朝惟入閣乃御文德殿視朝今既不用入閣儀即文
 德遂闕視朝之禮請下兩制及太常禮院約唐制御

宣政殿裁定朔望御文德殿儀以備正衙視朝之制
學士韓維等以入閣圖增損裁定上儀曰朔日不值
假前五日閣門移諸司排辦前一日有司供帳文德
殿其日金吾將軍常服押本衛伏判殿中省官押細
仗先入殿庭東西對列文武官東西序立諸軍將校
分入北向立朝堂引贊官引彈奏御史二員入殿門
踏道當下殿北向立次催文武班分入並東西相向
立諸軍將校即於殿庭北向立班皇帝服鞞袍御垂
拱殿鳴鞭內侍閣門管軍依朔望常例起居次引樞
密官樞密三司使副樞密直學士內客省使以下至醫

官待詔及修起居注官二員並大起居諸司使以下
退排立帝輦至文德殿後閣門奏班齊帝出殿上索
扇升榻鳴鞭扇開捲簾儀鸞使焚香唱文武官就位
四拜起居鸞人唱時舍人於彈奏御史班前西向唱
大起居御史由文武班後至對立位次引左右金吾
將軍合班於宣制石南大起居班首出班躬奏軍國
內外平安歸位再拜各歸東西押伏位通唱舍人於
宣制石南北向對立舍人退於西階次揖宰臣親王
以下躬奏文武百僚宰臣某姓名以下起居分引群
臣以下橫行諸軍將校仍舊立閣門使唱大起居舍

人引宰臣至儀石北俛伏跪致詞祝月訖其詞云文
 武百僚宰臣全銜臣某姓名等言孟春之吉伏惟皇
 帝陛下膺受時祉與天無窮臣等無任歡呼林路之
 至歸位五拜閣門使揖中書由東階升殿樞密使帶
 平章事以上由西階升殿侍立給事申一員歸左省
 位立轉對官立於給事申之南如罷轉對官每遇御
 史臺前期牒請文官
 先於閣門進奏吏部侍郎及刑法官立於轉對
 官南兵部侍郎於右省班南與吏部侍郎東南相向
 立搢笏各出班籍置笏上吏部兵部侍郎以知審刑
 官東西院官充刑法官以
 知審刑大親王使相以下班出引轉對官於宣制

石南宣徽使殿上奉旨宣答如儀次吏部兵部侍郎
 及刑法官對揖出次彈奏御史無彈奏對揖出如有
 儀
 引給事中至宣制石南揖躬奏殿中無事唱祇
 候揖西出次引修起居注官次引排立供奉官以下
 各合班於宣制石南躬唱祇候揖分班出唱文武官
 等門外祇候出索躬垂簾皇帝降坐鳴鞭舍人當殿
 承旨放仗四色官獻舞急趨至宣制石南稱奉敕放
 仗金吾將軍并判殿中省官對拜訖隨仗出親王使
 相筭度使至刺史學士臺官言將軍將校等並序班
 朝堂謝賜茶酒帝復御垂拱殿中書樞密及請對官

皇朝通志卷七十一 禮儀

奏事不引見謝辭班後殿坐臨時取旨其日遇有德音制書御札仍候退御書共殿坐制箱出外應正衙見謝辭文武百僚並依御文臺儀制喚班依序分入於文武班後以北為首分東西相向重行異位依見辭謝班序位餘押班臣僚於班稍前押班候刑法官對揖出分引近前稽顙令人當殿宣班引轉對班見謝辭並如紫宸儀樞密使不帶平章事參知政事至同簽書樞密院事宣徽使並立於宣制石稍北宰臣親王樞密使帶平章事便相係押班者立於儀石南餘官並立於宣制石南如合通喚關門使引並如儀

贊喝訖係中書樞密並揖升殿辭謝揖西出其合間

聖體者並如儀餘官分班出彈奏御史候見謝辭班絕對揖出其朝見如謝

都城門外御筵及召赴關謝祭祭無問之類不可合班者各依別班中謝對賜酒食等並門賜其係正衙

見門外唱謝亦應正衙見謝辭臣僚前一日於閣門投

詣正衙榜子明門上奏日又授正衙狀於御史臺四

方館應朔日或得旨罷文德殿視朝止御紫宸殿起

居其已上奏日正衙見謝辭並放免依官品隨赴

紫宸殿引或值改依常朝文德殿自有百官班日並

如舊儀應外國蕃客見辭候喚班先引赴殿庭東依

本國職次重行異位立候見辭謝班絕西向躬舍人

當殿通班轉於宣制石南北向立贊喝如儀西出其
酒食分物並門賜如有進奉候彈奏御史出進奉入
唯御馬及搭床自殿西偏門入東偏門出其進奉出
入文武官起居舍人通某國進奉宣徽使署進奉出
紫衣候遣奉出給事中奏殿中無事出其後殿南
坐合引出者從別儀其日賜茶酒宰臣樞密於閣子
親王於本廳使相宣徽使兩省官待制三司副使文
武百官皇親使相以下至率府副率及四廂都指揮
使以下至副都頭並於朝堂如朝堂他次不足即管
軍節度使至四廂都指揮使節度使兩使留後至刺
史並於客省廳詔從所定

徽宗初建明堂禮制凡列上七議一曰古者朔必告
廟示不敢專請視朝聽朔必先奏告以見繼述之意
二曰古者天子負宸南向以朝諸侯聽朔則各隨其
方請自今御明堂正南向之位布政則隨月而御堂
其閏月則居門焉三曰禮記月令天子居青陽總章
每月異禮請稽月令十二堂之制修定時令使有司
奉而行之四曰月令以季秋之月為來歲受朔之日
請以每歲十月於明堂受新曆造而頒之郡國五曰
古者天子負宸公侯伯子男壘夷氏狄四塞之國各
以內外尊卑為位請自今元正冬至及大朝會並御

宋史卷一百一十七

四百八十一
明堂遼使依賓禮蕃國各隨其方立於四門之外六
曰古者以明堂為布政之官自今若有御劄手詔並
請先於明堂宣下然後榜之朝堂頒之天下七日赦
書德音為制宣於文德殿自今非御禮肆赦並於明
堂宣讀政和七年九月一日詔頒朔布政自十月為
始是月一日上御明堂平朔左介頒天道政治及八
年戊戌歲運曆數于天下自是每月朔御明堂布是
月之政先是郡臣五上表請負宸聽朝詔弗允至是
復再請始從之十一月一日上御明堂南面以朝百
辟退坐于平朔頒政其禮百官常服立明堂下乘輿
自內殿出負斧扆坐明堂大晟樂作百官朝于堂下
大臣升階進呈所頒布時令左右丞一員跪請付外
施行宰相承制可之左右丞乃下授頒政官頒政官
受而讀之訖出閤門奏禮畢帝降坐百官乃退自是
以為常其歲運曆數天運政治之辭文多不載是後
則各隨歲月星曆氣運推移治政而易其辭焉初尚
書丞丞壽昂條具熙寧以來紹述熙寧政事各條其
即日纂之月令頒于明堂尋詔月之朔使民知寒暑
燥濕之化而萬里之遠雖驛置日行五百里已不及
時其于里外當前期十日進呈取可頒布諸州長吏

皇朝通志卷一百一十一

封寧後月朔宣讀之宣和元年蔡京言周觀治象於正月之始和以十二月頒告朔于邦國皆不在十月後世以十月者祖秦朔故也秦以十月為歲首故月令以孟冬頒來歲之朔今不當用請以季冬頒歲運于天下詔自今以正月旦進呈宣讀四年二月太常王黼編類明堂頒朔布政與詔書條例氣令應驗凡六十二冊上之靖康元年詔罷頒朔布政

御樓肆赦每郊祀前一日有司設百官親王蕃國諸州朝貢使僧道耆老位宣德門外太常設宮縣鉦鼓其刑部錄諸囚以俟駕還至宣德門內墜次改常

服群臣就位帝登樓御坐樞密使宣徽使侍立仗衛如儀通事舍人引群官橫行再拜訖復位侍臣宣曰承旨舍人詣樓前侍臣宣敕立金鷄舍人退詣班南宣付所司訖太常擊鼓集囚少府監立鷄竿於樓東南隅竿末伎人四面緣繩爭上取鷄口所御絳幡獲者即與之樓上以朱絲繩貫木鶴仙人乘之奉制書循繩而下至地以畫臺承鶴有司取制書置案上閣門使承旨引案宣付中書門下轉授通事舍人北面宣云有制百官拜宣赦訖還授中書門下付刑部侍郎承旨放囚百官稱賀閣門使進詣前承旨宣答

嘉靖丁巳年
監生張汝謙刊

訖百官又再拜舞蹈退若德音赦書自內出者並如
文德殿宣制之儀其降御劄亦閣門使跪授殿門外
置箱中百官班定閣門授宰臣讀訖傳告百僚皆拜
舞稱萬歲真宗宣制有司請用儀仗四千人自承天
殿設細仗導衛近臣起居訖則分左右前導之

皇太后臨朝聽政乾興元年真宗崩遺旨以皇帝尚
幼軍國事無權取皇太后處分宰相率百官稱賀復
前奉慰又尉皇太后於簾前有司詳定儀式內東門
拜表合差入內都知一員跪授傳進皇太后所降批
答首書覽表具之末云所請宜許或不許初丁謂定

皇太后稱子中書與禮院參議每下制令稱予便殿
處分稱吾皇太后詔止稱吾與皇帝並御承明殿垂
簾決事百官表賀英宗即位輔臣請與皇太后權同
聽政禮院議自四月內東門小殿垂簾兩府合班起
居以次奏事非特學士亦許至小殿行帝以疾權
居柔儀殿東閣西室太后垂簾處分稱吾在兩府日
入候問聖體因奏政事還請小殿垂簾外垂簾太后帝
疾間御前後殿聽政兩府退朝宿於小殿垂簾英宗
即位太皇太后權同聽政三省樞密院皆置儀衛不
服以前遇皇帝御迎陽門日參官皆跪迎

例奏事無五日過復日於迎陽門奏事皇帝在於
內之北室執奏事則權房云左右侍衛等有儀違許
非時請對及賜宣召亦許升殿禮部御史臺門奏
討論御殿及奏事儀制每朔望六參皇帝御前殿百
官起居三省樞密院奏事應見謝辭班退各令詣內
東門進榜子皇帝雙日御延和殿奏事日參官起居
太皇太后移班少西起居皇帝並再拜三省樞密院
奏事三日以上四拜不舞鶴儀祇廟畢起居如常儀
蓋前通事以內侍教下以問明吏部磨勘奏奉人奏
簾日引應見謝辭臣僚過朝堂參日不坐並先詣殿

門次內東門應樓賜者西門賜之於是帝御迎陽門
極殿同太皇太后垂簾宰臣親王以下合班起居常
制分班十六至是合班以閣門奏請故也禮官請如
有祥瑞邊境宰臣以下氣衰殿稱賀皇帝畢赴內東
門賀太皇太后從之徽宗即位皇太后權同聽政三
省樞密院奏議故事嘉祐末英宗請慈聖曰聽政五
月同御內東門小幾垂簾至七月十三日英宗問曰
御前後殿輔臣奏事退詣內東門簾前覆奏又故事
唯慈聖不立生衣飾名不遣使奠丹若天聖元則
御殿垂簾立生衣飾名遣使奠丹若天聖元則

御殿垂簾立生衣飾名遣使奠丹若天聖元則

等曾布曰今上長者豈可棄焉願請如嘉祿故事
察下曰天聖元豐與今日皆遺制處分非嘉祿比布
曰今日之事雖載遺制實出自信音又皆長言正與
嘉祿事相似有言依嘉祿治平故事布語同列曰奉
事先太后次履泰皇帝如今日所得旨遂為定式矣
尋以誓宗靈駕發引太后寺書罷同聽斷焉
皇太子元正冬至受群臣賀儀政和新儀前一日有
司於東門外量地之宜設三公以下文武群官等次
如常儀與儀設皇太子答拜禱位於階下南向又設
文武群官版位於門之外其日禮直官舍人先引三

公以下文武群臣以次入就位立定禮直官舍人引
左庶子詣皇太子前跪誦凶嚴少頃又言外備內侍
褰簾皇太子常服出次左右侍衛如常儀皇太子降
階詣南向禱位典儀曰再拜贊者承傳曰再拜三公
以下皆再拜皇太子答拜班首少前稱賀云元正首
祚至長天景福維新伏惟皇太子殿下與時同休
賀訖少退復位左庶子前承令詣群臣前答云元正
首祚至云天與公等均慶典儀曰再拜班首以下
皆再拜皇太子答拜訖禮直官通事舍人引三公以
下文武百官以次出內侍引皇太子升階還次降簾

侍衛如常儀少頃禮直官舍人引知樞密院宮以下
入就位立定內侍引皇太子降階詣南向褥位樞密
以下參賀如上儀訖退次引師傅保賓客以下入就
位參賀如上儀師傅保以下以次出內侍引皇太子
升坐禮直官引文武宮官入就位重行北向立典儀
曰再拜在位官比日再拜左庶子少前跪言具官某言
元正首祚冬至云天伏惟皇太子殿下與時同休俛
伏興復位典儀曰再拜在位者皆再拜分東西序立
左庶子少前跪言禮畢左右近侍降簾皇太子降坐
宮官退左右侍衛以次出

皇太子與百官相見至道元年有司言百官見皇太
子自兩省五品尚書省御史臺四品諸司三品以上
皆各拜餘悉受拜宮官自左右庶子以下悉用參見
之儀其宴會位在王公上與師傅保相見政和新儀
前一月所司設師傅保以下次於宮門外道西南向
設軒架之樂於殿庭近南北向其日贊明諸衛率各
勒所部屯門列仗典謁設皇太子位於殿東階下西
向設師傅保位於殿西階之西三少位於師傅保之南
稍却俱東向北上師傅保以下俱朝服至宮門通事
舍人引就次左庶子請內嚴通事舍人引師傅保立

於正殿門之西三少在其南稍却俱東向北上左庶
子言外脩諸侍奉之官各服其器服俱詣闕奉迎皇
太子朝服以出左右侍衛如常儀軒架作翼安之樂
至東階下西向立樂正通事舍人引師傳保及三少
入就位軒架作正安之樂至位樂止皇太子再拜師
傳保以下答拜三少先拜通事舍人引師傳保以
下出軒架正安之樂出門樂止左庶子前跪稱左
庶子某言禮畢皇太子入左右侍衛及樂作如來儀

志卷第七十

志卷第七十一

宋史一百十八

開府儀同三司主柱國錄軍國事兼中書右丞相監修國文領經筵事都總管晚等奉

勅修

禮二十一賓禮三

朝儀班序
百官轉對
儀制

朝儀班序太祖建隆三年三月有司上合班儀太師
太傅太保太尉司徒司空太子太師太傅太保嗣王
郡王左右僕射太子少師少傅少保三京牧大都督
大都護御史大夫六尚書常侍門下中書侍郎太子
賓客太常宗正卿御史中丞左右諫議大夫給事中

中書舍人左右丞諸行侍郎秘書監光祿衛尉太僕大理鴻臚司農太府卿國子祭酒殿中少府將作監前任節度使開封河南太原尹太子詹事諸王傅司天監五府尹國公郡公中都督上都護下都督太子左右庶子五大都督府長史中都護下都護太常宗正少卿秘書少監光祿等七寺少卿司業三少監三少尹少詹事左右諭德家人率更令僕諸王府長史司馬司天少監起居舍人侍御史殿中侍御史左右補闕拾遺監察御史郎中員外郎太常博士五府少尹五大都督府司馬通事舍人國子博士五經博士

都水使者四赤令太常宗正秘書丞著作郎殿中丞尚食尚藥尚舍尚乘尚輦奉御大理正太子中允贊善中舍先馬諸王交諮議參軍司天五官正凡雜坐者以此為準詔曰尚書中臺萬事之本而班位率欠兩省官新度使出總方面古諸侯也又其檢校兼守官及至師傳三公而位居凡寺卿監之下甚無謂也其給事諫議舍人宜降於六曹侍郎之下補闕次郎中拾遺監察次員外郎節度使升於六曹侍郎之上中書侍郎之下餘悉如故乾德元年閏十二月詔自今一品致仕官曾帶平章事者朝會宜綴中書門下

字四百个
班二年二月詔重定内外官儀制有司請令上將軍
在中書侍印之下大將軍在少師監之下諸衛率副
率在東宮三品之下內客省使視太卿客省使視太
監引進使視庶子判四方館事視少卿閤門使視少
監諸司使視郎中客省引進閤門副使視員外郎諸
司副使視太常博士通事舍人從本品供奉官視諸
衛率殿直視副率樞密承旨視四品朝官燕南班官
諸司使者從本品副承旨視寺監丞諸房副承旨視
南省都事凡視朝官者本品下視京官在其上開寶
六年九月詔曰周之宗盟異姓爲後此先王所以睦

九族而和萬邦也晉王親賢莫二位望俱崇方資爽
輔之功俾先三事之例宜位宰相上九年十一月詔
齊王廷美武功郡王德昭位在宰相上大中祥符元
年正月有司上醮宴班位駙馬都尉宮僚員僚皇親
大將軍已下行門宰臣樞密使已下穎王皇親邵王
侍衛馬軍都指揮使已上以皇親使相皇親節度使
皇親觀察留後已下皇親防禦團練刺史三班合為
一節度使觀察留後已下防禦團練刺史三班合為
一並重行異位詔依所定既而武康軍節度使李端
愿言使相亦當合為一班不當獨行尊異詔令閤門

再定而閣門引儀制及以前議為是端愿復伸其議
自劾妄言乃詔太常禮院與御史臺同詳定禮院言
常朝起居班次緣祖宗舊制不宜併合從之四年閏
三月太常禮院閣門言準詔同詳定閣門使李端懿
所奏閣門儀制宰臣與親王立班坐位分左右各為
班首宰臣樞密使帶使相或帶郡王并使相作一行
總為中書門下班其親王獨行一班者準封爵令兄
弟皇子皆封國謂之親王所以他官不可參綴檢會
坐次圖直將宗室使相輒綴親王蓋更張之時未見
親王遂致失於講求近見朝拜景靈宮東陽郡王顥
亦綴親王班竊恐未安今取到閣門儀制其合班宰
臣使相在東親王在西分班立又祥符元年宴坐次
圖宰臣王旦與使相石保吉在東寧王元僿舒王元
僖廣陵郡王元儼節度使惟吉在西分班坐其元僿
惟吉是郡王與節度使許綴親王班竊慮當時出自
特旨今來檢尋元初文字不見在先朝只依祥符元
年宴坐次圖子親王及帶使相郡王在西為一班臣
等參詳請依閣門儀制親王在西獨為一班宗室郡
王帶使相許綴親王立班坐次即係臨時特旨從之
熙寧二年四月國信所言大遼賀同天節左番使耶

律與赴文德殿拜表言南使到北朝綴翰林學士班
今來却在節度使之下館伴者諭之始就班時下御
史臺閣門同詳定奏稱人使不知本朝翰林學士班
自在節度使之下如遇合班即節度使在翰林學士
之西差前別為一班立俱不相壓欲且依父來儀制
體例詔依所定是月編修閣門儀制所言慶曆中改
文明殿學士為觀文殿學士又置大學士按文明殿
即今文德殿乃正衙前殿也後唐始置學士序位樞
密副使之下每遇紫宸殿坐朝則升殿侍立蓋文德
紫宸通謂之前殿故學士侍立為宜其觀文殿深在

禁中乃與資政端明殿相類而資政端明學士並不
侍立竊詳慶曆所改職名雖用舊之班著而殿之次
序與舊義理不同其觀文殿大學士自今遇紫宸殿
坐朝請更不升殿侍立從之元祐元年五月詔太師
平章軍國重事文彥博已降旨今獨班起居自今赴
經筵都堂同三省樞密院事並序位在宰臣之上百
官轉對自建隆詔內殿起居日令百官以次轉對限
以二人其封章於閣門通進復鞠躬自奏宣徽使承
旨宣答拜舞而出著為閣門儀制淳化二年詔自今
內殿起居日復令常參官二人次對閣門受其章大

中祥符末罷不復行景德三年復詔群臣轉對其在
外京官內殿崇班以上候得替先具民間利害實封
於閣門上進方得朝見治平中命御史臺每遇起居
日令百官轉對御史臺言舊制起居日輪兩省及文
班秩高者二員轉對若兩省官有充學士待制則綴
樞密班起居內朝臣僚不與尋詔遇轉對日增二員
熙寧初閣門言舊制中書省樞密院奏事退再引三
班假日則兩班或再御後殿引對多及午刻遇開經
筵即至申末恐久勞聖躬請遇經筵日自二府奏事
外止引一班或有急奏及言事官請對即取旨俟罷

經筵日仍舊又言假日御崇政殿每遇辰時則隔班
過延和殿再引不待進食至巳刻隔班取旨尚許引
對請自今隔班過延和殿俟已進食再引遇寒暑大
風雨雪即令次日引對詔自今授外任者許令轉對
訖朝辭監察御史裏行張戩程顥言每欲奏事必俟
朝旨或朝政有關及聞外事而機速後時則已無所
及况往復候報必由中書萬一事干政府則或致阻
格請依諫官例牒閣門求對或有急奏即許越次登
對庶幾遇事入告無憂失時又以編修閣門儀制所
言三衙有急奏許於後殿登對若別有奏陳則報閣

門如常制或假日御崇政殿則於已得旨對班後續引且許兩制以上同班奏事元豐中詔尚書侍郎同郎官一員奏事郎中員外郎番次隨之不許獨留身侍郎以下亦不許獨請奏事其左右選非尚書通領者聽侍郎以上郎官自隨秘書殿中省諸寺監長官視尚書貳丞以下視侍郎又詔三省樞密院獨班奏事日無得過三班若三省俱獨班則樞密院當請奏事其見任官召對訖次日即朝辭回任聽旨元祐中宰臣呂大防言昨垂簾聽政惟許臺諫以二人同對故不正之言無得以入今陛下初見群臣請對者必

衆既人人得進則善惡相雜故於采納尤難帝曰人君以納諫為上然邪正則不可不辨遂詔上殿班當直牒及帥臣國信使副許依元豐八年前儀制紹聖初臣僚言文德殿視朝輪官轉對蓋襲唐制故祖宗以來每遇轉對侍從之臣亦皆與焉元祐間因言者免侍從官轉對續詔職事官權侍郎以上並免自此轉對止於卿監郎官而已請自今視朝轉對依元豐以前條制又詔自今三省樞密院進擬在京文臣開封府推判官武臣橫行使副在外文臣諸路監司藩郡知州武臣知州軍已下取旨召對臣僚言每錄

職事請對待次旬日遇有急奏深恐失事請自今後許依六曹開封例先次挑班上殿仍不隔班又言諸路監司朝廷所選以推行法令省間風俗朝辭之日當令上殿六曹尚書如有職事奏陳許獨員上殿其群臣請對雖遇休假特御便殿聽納既又詔應節鎮郡守往令陛辭歸許登對不特審觀人材亦所以重外任也可於監司不許免對條下增入節鎮郡守依此重和元年臣僚言此年以來二三大臣奏對留身讒疏善良請求相繼甚非至公之體詔自今惟蔡京五日一朝許番身餘非除拜遷秩因謝及陳乞免罷

並不許獨班奏事令閣門報御史臺彈劾又詔寺監職事上部部上省故得上下維持綱紀所出今後雖係兩制職司寺監不許獨對臣僚言祖宗舊制有五曰一轉對者今惟月朔行之有許朝官轉對者今惟待制以上預焉自明堂行視朔禮歲不過一再則是畢歲而論思者無幾請遇不視朔即令具章投進以備覽觀又諸路監司未經上殿者雖從外移先赴闕引對方得之官並從其議

百官相見儀制乾德二年詔曰國家職位肇分軌儀有序冀等威之斯辨在品式之惟明矧著位之庶官

及內司之諸使以至軒墀引籍州縣命官凡進見於
宰相或參候於長吏既為總攝合異禮容稽於舊儀
且無定法或傳晉天福周顯德中以迂臣內職賓從
將校比其品數著為綱條載於刑統未為詳悉宜令
尚書省集臺省官翰林秘書國子司業太常博士等
詳定內外群臣相見之儀翰林學士承旨陶穀等奏
兩省官除授假使出入並參宰相起居即以下參同
舍人五品以上官過於塗歛馬側立須其過常侍以
下遇三公三師尚書令引避其值僕射歛馬側立御
史大夫中丞皆分路行起居即以下避僕射遇大天

歛馬側立中丞分路尚書丞郎郎中員外並參三師
三公令僕郎中員外兼參左丞丞本行尚書侍郎及
本轄左右司郎中員外御史大夫以下參三師三公
尚書令中丞兼參大夫知雜事參中丞三院御史兼
知雜及本院之長六天避尚書令以上遇僕射歛馬
側立而避六天遇尚書丞郎兩省官諸司三品以上
金吾六將軍統軍上將軍皆分路餘官過中丞悉引
避知雜兼避中丞遇左右丞歛馬側立餘皆分路郎
中及少卿監六將軍以下皆避知雜三院同行知知
雜之例少卿監並參本司長官丞參少卿諸司三品

字四百七
遇僕射於途皆引避諸衛大將軍參本衛大將軍東
宮官參隔品凡參者若過於途皆避公參之禮列拜
堂上位高受參者官焉四赤縣令初見于幾處受拜
後升廳如客禮內客省使焉宰相樞密使以客禮問
門使以上列拜皆客省省副使至通事舍人諸司使
樞密承旨不答焉自樞密使副官徽使皆差降其禮
供奉官殿直教坊使副辭令官夜術官並趨庭俟受
諸司副使參太使通事舍人參閣門使所繫團練副
史謁本道節帥節度防禦團練副使謁平使並具單
客趨庭延以客禮少尹幕府於院長官悉拜為經本

團練判官謁本道節帥並趨庭上佐州縣官見宰相
樞密使及本屬長官並拜於庭天長推武等軍使見宰相樞密亦如之
參本府賓幕官及曹掾縣簿尉參令皆拜王府官見
親王如賓職見使長府縣官兼三館職者見大尹同
赤縣令六品以下未嘗參官見宰相樞密及本司長
官並拜階上流外見流內品官並趨庭諸司非相統
攝皆稱移牒分路者不得籠銜及占中道依秩序以
分左右遇於驛舍非相統攝及名位縣隔先至者居
之臺省官當通官呵止者如舊式文武官不得假借
呼稱以紊朝制當避路者若被宣召及有所捕逐許

監生張汝譜刊

橫度焉又令諸司使副使通事舍人見宰相樞密使
升階連姓通名展拜不答拜其見樞密副使參知政
事宣徽使以客禮展拜太平興國以後又制京朝官
知令錄者見本州長吏以客禮三司判官推官主判
官見本使如郎中員外見尚書丞郎之儀咸平中又
詔開封府左右軍巡使京官知司錄及諸曹參軍到
畿縣見京尹並趨庭設拜六年命翰林學士梁顥等
詳定閣門儀制成六卷因上言三司副使序班朝服
此品素無定列至道中筵會在知制誥後郎中前今
請同諸司少卿監班位在上如官至給諫卿監者自

如本品朝會大宴隨判使赴長春殿起居引駕其朝
會引駕至前殿與諸司使同退大中祥符五年復命
翰林學士李宗諤等詳定儀制文武百官遇宰相樞
密使參知政事並避起居郎以下遇給舍以上敘馬
御史大夫遇東宮三師尚書丞郎兩省侍郎分路而
行中丞遇三師三少太常卿金吾一將軍並分路而
行知雜御史遇尚書侍郎諸司三品金吾大將軍統
軍諸位上將軍分路而行三院同行如知雜例不同
行遇左右丞則避尚書丞郎郎中員外遇三師三公
尚書令則避郎中員外遇丞郎則避太常博士以下
宋史一百十八

字四十五个
朝官遇本司長官三帥三公僕射尚書丞郎大夫中
丞如雜御史並避權知判者不避遇兩省給舍以上
飲馬京官遇丞郎給舍大卿監祭酒以上及本寺少
監卿司業並避諸軍衛大將軍以下遇上將軍統軍
亦避詹事遇上臺官如卿監之例庶子少詹事至太
子僕遇東宮三師三少並避遇上臺官如少卿監例
中允以下遇東宮三師三少並避遇賓客詹事飲馬
遇上臺官如太常博士例庶合避尚書者並避三司
使其權知開封府如本官品避其臺省官雖不合避
而職在統臨者並避武班內職並依此品大觀二年

定王嘉王府侍講沈錫等奏二
出就外學其初見
及侍王禮儀講說疏數之節請
故事手詔按祥符
故事記室_{謝善}是諸王皆下拜真宗特以張十_遜為
王友命王答拜以示賓禮今講讀輔翊之官職在訓
道亦王友傳也可如例令王答拜群臣赴臺參謝辭
者_謝加恩尚書侍郎則三院御史各一員由丞大
夫皆對拜_{三院仍不迎}節度使賓客太常宗正卿
則御史一員中丞大夫皆對拜兩使留後至刺史秘
書監至五官三上將軍至即將四廂都指揮使及內
職軍校送郡以上樞密都承旨及內職帶正員官者

四赤縣令三京司錄節度行軍至團練副使幕職官
任憲御者皆御史一員對拜中丞大夫對揖不進言
得恭而退若曾在中書門下及左右丞皆不赴加階
勲食已章服館閣三司開封府職事及內職轉使額
軍額亦不赴臺謝僕射過正衙曰臺官大夫以下與
百官並詣幕次致賀中書樞密院者不赴大夫中丞
則即中少卿監大將軍以下亦然僕射赴上都不赴
儀此

志卷第七十一

志卷第七十二

宋史一百十九

開府儀同三司上柱國錄軍國重事前中書右丞相監國史領經進事都總裁臣等奉

勅

禮二十二 賓禮四

錄周後 錄先聖後 群臣朝使宴餞
朝臣時節 餽餼 外國君長來朝

契丹夏國使副見辭儀 高麗附貢
金同使副見辭儀 諸國朝貢

昔周成封微子為殷後俾修其禮物作賓于王家
與國成休宋以柴周之後為一恪又錄孔子之後亦
先王崇德象賢之意也故皆為賓禮其餘則有朝使
之宴餞歲時之廩餼及外國之使聘遠方之朝貢著

宋史卷七十一

其迓餞宴賚之式登降楫遜之儀備一代之制焉
太祖建隆元年正月四日詔曰封二王之後備三恪
之賓所以示子傳孫興滅繼絕夏商之居祀宋周隋
之啓介鄜古先哲王實用茲道矧予涼德歷試前朝
雖周德下衰勉從於禪讓而虞賓在位豈忘於烝嘗
其封周帝爲鄭王以奉周嗣正朔服色一如舊制又
詔曰矧惟眇躬遠事周室謳歌獄訟雖歸新造之邦
廟貌園陵豈忘舊君之禮其周朝嵩慶二陵及六廟
宜令有司以時差官朝拜祭饗未爲定式仍命周宗
正卿郭玘行禮乾德六年八月詔於周太祖世宗陵
寢側各設廟宇塑像命右贊善大夫王碩管勾修蓋
開寶六年三月周鄭王殂詔輟朝十日帝素服發哀
於便殿十月四日葬周恭帝於順陵詔特輟四日五
日朝參仁宗天聖六年錄故虢州防禦使柴貴子肅
爲三班奉職七年錄故太子少傅柴守禮孫詠爲三
班奉職其後又錄柴氏之後曰熙曰愈曰若拙曰上
善並爲三班奉職曰餘慶曰誠爲州長史助教曰貽
廓等十一人復其身仍各賜錢一萬又錄世宗曾孫
揆采及貴曾孫日宣守禮曾孫若訥皆爲三班奉職
嘉祐四年著作郎何鬲言昔舜受堯禹受舜之天下

而封冊朱商均以為國賓周漢以降以及於唐莫不
崇奉先代延及苗裔本朝受周天下而近代之盛莫
如唐自梁以下皆不足以崇襲臣願效宋唐周之裔
以備二王之後授以爵命封縣立廟世世承襲永為
國賓事下太常議曰古者立二王後不惟繼絕無取
其明德可法五代章創載祀不永文章制度一無可攷
上取唐室世數已遠於經不合惟周則我受禪之所
自義不可廢宜訪求子孫如孔子後衍聖公授一京
官爵以公號使專奉廟饗歲時存問賜之粟帛牲器
祭服每遇時祀並從官給其廟宇亦加嚴飾如此則

上不失繼絕之義度之於今亦簡而易行從之四月
詔曰先王推經天之序尚尊賢之義褒其後嗣賓以
殊禮豈非聖人稽占報功之大典哉國家受命之元
繼周而王雖民靈欣戴曆數允集而雲賓將遜德美
丕顯頌者推命本始褒及文廢每遇南郊許養白身
一名充班行恩則厚美而義未稱將上采妣妙之舊
略循周漢之典詳其世嫡優以公爵異其仕進之路
申以田土之錫俾廟寢有奉饗祀不輟矣幾正春秋
通三統厚先代之制矣宣令有司取柴氏譜系按諸
房中推最長一人令歲時親奉周室祀事如白身即

與京主簿如為班行者即比類換文資仍封崇義公
與河南府鄭州合入差遣給公田十頃專管勾陵廟
應緣祭饗禮料所須皆從官給如至知州資序即別
與差遣却取以次近親令襲爵授官永為定式八月
太常禮院定到內殿崇班相州兵馬都監柴詠於崇
義諸侯最長詔換殿中丞封崇義公簽書奉寧軍節
度判官事以奉周祀又以六廟在西京而歲時祭饗
無器服之數令有司以三品服一四品服二及所當
用祭器給之熙寧四年西京留司御史臺司馬光言
崇義公柴詠祭祀不以儀式周本郭姓世宗后姪為

郭氏後今存周後則宜封郭氏子孫以奉周祀帝問
奏問王安石安石曰宋受天下於世宗柴氏也帝曰
為人後者為之子安石曰為人後於異姓非禮也雖
受天下於郭氏豈可以天下之故而易其姓氏所出
帝然之五年正月柴詠致仕詠長子早亡嫡孫夷簡
當襲太常禮院言夷簡有過合以次子西頭供奉官
若訥承襲詔以若訥為衛尉寺丞襲封崇義公簽書
河南府判官廳公事政和八年徽宗詔曰昔我藝祖
受禪于周嘉祐中擇柴氏旁支一名封崇義公議者
謂不當封周然禪國者周而三恪之封不及禮蓋未

盡陰崇義公依舊外遷柴氏最長見在者以其祖父
為周恭帝後以其孫世世為宣義即監周陵廟與知
縣請給以示繼絕之仁為國二恪永為定制紹興五
年詔周世宗女孫柴叔曼為右丞奉即襲封崇義公
奉周後二十六年叔曼升知州資序別與差遣以子
國器襲封令居鄉山朝廷有大禮則入侍祠如故事
其柴大有柴安宅亦各補官淳祐九年又以世宗八
世孫柴彥穎特補承務即襲封崇義公時又求隋唐
及朱氏李氏石氏劉氏郭氏之後及吳越荆南湖南
蜀漢諸國之子孫皆以官使守其祀具見本紀世

家

錄先聖後仁宗景祐二年詔以孔子四十六世孫
海尉宗愿為國子監主簿襲封文宣公皇祐三年七
月詔曰國朝以來世以孔氏子孫知仙源縣使奉承
廟祀近歲廢而不行非所以尊先聖也宜以孔氏子
孫知仙源縣事至和初太常博士祖無擇言按前史
孔子後襲封者在漢魏曰褒成褒尊宗聖在晉宋曰
奉聖後魏曰崇聖北齊曰恭聖後周隋並封鄒國唐
初曰褒聖開元中始追諡孔子為文宣三又以其後
為文宣公不可以祖謚而加後嗣遂詔有司定封宗
宗諱一百一十九

愿衍聖公令世襲焉治平初用京東提點三綱言自
今勿以孔氏子弟知仙源縣其襲封人如無親屬在
鄉里令常在近便官不得去家廟熙寧中以四十八
代孫若家為沂州新泰縣主簿襲封元祐初朝議大
夫孔宗翰辭司農少卿請依家世例知兗州以奉祀
又言孔子後襲封疏謂本為侍祠今乃兼領他官不
在故郡請自今襲封者無兼他職終身使在鄉里朝
議依所請命官以司其用度立學以訓其子孫襲封
者專主祠事增賜田百頃供祭祀之餘許均贖族人
六差墓戶並如舊法賜書置教授一員教諭其家子

第鄉鄰或願學者聽改衍聖公為奉聖公及測定家
祭冕服等制度復賜之其後通直郎孔宗書等舉若
家弟若虛襲封仍請自今衆議擇承襲之人不必子
繼庶幾留意祖廟惇睦族人宣和三年詔宣議郎孔
端友襲封衍聖公為通直郎直秘閣仍許就任闕亦
以示崇獎端友言詔敕文宣王後與親屬一人判司
簿尉今孔若采當承繼推恩詔補迪功郎高宗紹興
二年以四十九代孫孔玠襲封衍聖公其後以楷以
又遠以萬春以殊終宋世皆襲封主祀事
群臣朝覲出使宴餞之儀太祖太宗朝藩鎮牧伯沿

五代舊制入覲及被召使回客省齋殿賜酒食節度使十日留後七日觀察使五日代還節度使五日留後三日觀察一日防禦使團練使刺史並賜生料節度使以私故到闕下及步軍都虞候以上出使回者亦賜酒食熟羊群巨出使回朝見日百賜酒食中書樞密宣徽使使相並樞密使伴三司使學士東宮三師僕射御史大夫節度使並宣徽使伴兩省五品以上侍御史中丞三司副使東宮三少尚書丞郎卿監上將軍留後觀察防禦團練使刺史宣慶宣政昭宣使並客省使伴少卿監天將軍諸司使以下任發運

判運提點刑獄知軍州通判都監巡檢回者亦賜並通事舍人伴客省引進四方館閣門使並本廳就食群臣賀賜衣奉慰並特賜茶酒或賜食外任遣人進奉亦賜酒食或生料自十月一日後盡正月每五日起居百官皆賜茶酒諸軍分校三日一賜冬至二日重陽寒食樞密近臣禁軍大校或賜宴其第及府署中率以為常大中祥符五年詔自今兩省五品尚書省四品諸司三品以上官同列出使並許贖錢錢飲仍依假一日餘官有親屬僚友出行任以休務日錢送故事樞密節度使使相還朝咸賜宴於外苑見辭

三百九十八
日長春殿賜酒五行仍設食當直翰林龍圖閣學士
以上皇親觀察使預坐八年四月侍衛步軍副都指
揮使三能自鎮定來朝宴於長春殿閣門言舊制節
度使掌兵無此禮例既赴坐則殿前馬軍都校當侍
立於品秩非便遂令皆預位中興仍舊制凡宰相樞
密執政使相節度外國使見辭及來朝皆賜宴內殿
或都亭驛或賜茶酒並如儀

時節餽廩大中祥符五年十一月以宰相王旦生日
詔賜羊三十口酒五十壺米麪各二十斛令諸司候
帳京府具衙前樂許宴其親友且遂會近列及丞

給諫倫史屬官俄又賜樞密使副參知政事羊三十
口酒三十壺米麪各三十斛其後以廢務非仗奏罷
會而賜如故又制僕射御史大夫中丞節度留後觀
祭內客省使權知開封府王至寒食並客省齋籤賜
羊酒米麪立春賜春盤寒食神飲湯端午糴子伏
日密沙冰重陽糕並有酒三伏日又五日一賜冰四
廂及廂前指揮使中書舍人統軍防禦團練使刺史
客省使樞密都承旨知銀臺司審刑院三司三司勾
院諸司使禁軍校忠佐海外諸蕃進奉領刺史以上
至寒食並賜節料立春奉內朝者皆賜幡勝元祐二

年十一月冬至詔賜御筵於品公著私第遣中使賜
上尊酒香藥米食縷金花等以御飲器勸酒遣教坊
樂工給內帑錢賜之及暮賜燭傳宣令繼燭皆異恩
也紹興十三年十二月二十三日高宗賜宰臣秦檜
詔曰首所奏辭免生日賜宴朕聞賢聖之興必五百
歲君臣之遇蓋亦千載夫以不世之英值難逢之會
則其始生之日可不為天下慶乎式燕樂衍所以示
慶也非喬嶽之神無以生申甫非宣王之能任賢無
以中興今日之事不亦宜主俱榮共宜服異恩毋守
沖節所請宜不允

宋朝之制凡外國使至及其君長來朝皆宴于內殿
近臣及刺史正郎都虞候以下皆預太祖建隆元年
八月三日宴近臣於廣政殿江南吳越朝貢使皆預
乾德三年五月十六日宴近臣及孟昶于大明殿開
寶四年五月七日宴近臣及劉鋹子于崇德殿十一
月五日江南李煜吳越錢俶各遣子弟來朝宴于崇
德殿八年三月晦宴契丹使于長春殿太平興國二
年二月十一日宴兩浙進奉使契丹國信使及李煜
劉錡禁軍都指揮夜以上于崇德殿不舉樂酒七行
而罷契丹遣使賀登極也五月十一日再宴契丹使

于崇德殿酒九行而罷以其重助山陵也三年正月
十六日宴劉錡李煜等并使諸國蕃客于崇德殿以
契丹使來賀王故也三月二十五日吳越錢俶來朝
宴于長春殿親王宰相節度使劉錡李煜皆預十月
十六日宴宰相親王以下及契丹使高麗使諸州進
奉使於崇德殿以乾明節罷大宴飲也是後宴外國
使為常其君長來朝先遣使迎勞於候館使者朝服
稱制曰奉制勞某主國主迎於門外與使者俱入升
階使者執束帛稱有制國主北面再拜稽首受幣又
再拜稽首以土物饋使者再拜受國主送使者出鴻

臚引詩朝堂所司奏聞通事舍人承敕宣勞再拜
館翌日遣使戒見日如儀又次日奉見于乾元殿設
黃麾仗及宮縣大樂典禮設國主位於騎南道西北
向又設其國諳官之位於其後所司迎引國主服其
國服至明德門外通事舍人引就位侍中奏中嚴皇
帝服通天冠絳紗袍出自西房即御位典禮贊拜國
主再拜稽首侍中承制降勞皆再拜稽首敕升坐又
再拜稽首至坐俛伏避席侍中承制曰無下拜國主
復位次引其國諸官以次入就位再拜並如上儀侍
中又承制勞還館通事舍人引國主降復位再拜稽

首出其國諸官皆再拜以次出侍中奏禮畢皇帝降
坐其錫宴與受諸國使表及幣皆有儀具載開寶通
禮

契丹國使入聘見辭儀自景德澶淵會盟之後始有
契丹國信使副元正聖節朝見大中祥符九年有司
遂定儀注前一日習儀于驛見日皇帝御崇德殿宰
臣樞密使以下六班起居訖至員僚起居後館伴使
副一班人就位東面立次接書匣閣門使升殿立次
通事入不通唱拜兩拜奏聖躬萬福又唱兩拜隨呼
萬歲唱祗候赴東面接引使副位舍人引契丹使副

自外捧書匣入當殿前立天武官擡禮物分東西向
入列於殿下以東為上舍人唱天武官起居兩拜隨
呼萬歲奏聖躬萬福唱各祗候閣門從東階降至契
丹使位揖使跪進書匣閣門側身搯笏跪接舍人受
之契丹使立閣門執笏捧書匣升殿當御前進呈訖
授內侍都知都知拆書以按察臣宰臣樞密進呈訖
遂擡禮物出舍人與館伴使副引契丹使副至東階
下閣門使下殿揖引同升立御前至國信大使傳國
主問聖体通事傳譯舍人當御前鞠躬傳奏訖揖起
北使皇帝宣閣門迴向國主北使跪奏舍人當御前

鞠躬奏訖遂揖北從起却引階至辭見位面西揖

躬舍人當殿通北朝國信使某官某祗候見憲喏絕

引當殿喝拜大起其拜舞並依本國禮出班謝面天顏歸位

喝拜舞訖又出班謝沿路樂館御筵茶藥及傳宣

撫問復歸位喝拜撫踏訖舍人宣有敕賜窄衣一對

金縷躡子一金塗銀冠一鞞一兩衣着三百匹銀二

百兩鞍轡馬一匹凡傳語并奏聖躬致辭並通次通北朝國

西出凡傳語并奏聖躬致辭並通信副使某官某祗候見其拜舞謝賜致詞並如上儀

西出其教賜衣一對金腰帶一絛六頭靴一絛次通事及

舍人引舍利已下分班入不通便引合班贊喝大起

居拜舞如儀舍人喝有敕賜衣服束帶衣着銀器分

物應喏跪授擔擔席跪起舞踏拜訖喝各祗候分班

引出次引差來通事以下從人分班入不通便引合

班喝兩拜奏聖躬萬福又拜隨呼萬歲喝有敕各賜

表服腰帶衣着銀器分物應喏跪授起喝兩拜隨拜

萬歲喝各祗候唱喏分班引出次行門殿直入起居

訖殿上侍立文明殿樞密直學士三司使內客省使

一殿舍人合班奏報閣門無事唱喏訖卷班西出

省閣門使以下東出其排立供奉官已下橫行合班

宣徽使殿上喝供奉官已下各祗候分班出並如常儀皇帝降坐還內宴日契丹使副以下服所賜承受引起長春殿門外并侍宴臣僚宰執親王樞密使以下祗候俟長春殿諸司排當有備閑門使附入內都知奏班齊皇帝坐鳴鞭宰臣親王以下並宰執分班舍人引入其契丹使綴親王班入舍人通某甲以下唱喏班首奏聖躬萬福喝各就坐兩拜隨呼萬歲唱就坐分班引上殿或皇帝撫問契丹使副舍人便引下殿喝兩拜隨拜萬歲喝各就坐次舍人通事分引舍利以下東西分班喝兩拜喝就坐分引赴兩廊下

次舍人引差來通事從人東西分班入合班喝兩拜隨拜萬歲喝就坐分引赴兩廊次喝教坊已下兩拜班首奏聖躬萬福又喝拜兩拜隨拜萬歲喝各祗候次引看蓋二人相近前喝拜兩拜隨拜萬歲喝上殿祗候分東西上殿立有司進茶茶內侍帶酒盃閣門使發上御前鞠躬奏某甲已下進酒餘如常儀是案臣已下降階舍人喝兩拜喝各祗候分班出次舍利合班喝兩拜隨拜萬歲喝各祗候分引出次通事從人合班喝兩拜隨拜萬歲喝各祗候分班引出次喝教坊使已下兩拜隨拜萬歲喝

各依候如傳宣賜茶酒又鳴謝茶酒拜兩拜隨拜萬
歲喝各祇候出閣門候殿上近前側奏樂事皇帝降
坐鳴鞭還內殿曰皇帝坐內殿是居班欽絕請司排
當有備催令侍宴三際東西相向班立崇德殿庭候
奏班各會人鳴拜東西班殿侍兩拜奏聖躬萬福喝
各祇候次令人通館伴使副某甲以下常起居次通
契丹使某甲常起居次通副使某甲常起居俱引赴
西面立次通宰臣以下橫行通某甲以下應喏奏聖
躬萬福喝各就坐應喏兩拜呼萬歲分升殿東西向
立次通事舍人引契丹舍利以下次差來通事從人

俱分班入堂殿兩拜奏聖躬萬福喝各就坐兩拜呼
萬歲分引赴兩廊立次通館坊使看盞及進茶未醞
酒并閣門奏進酒並如長春宴日之儀酒五巡奕宰
臣以下降階班立兩拜稽首舞蹈三拜喝各祇候宰
臣以下并三司使文明義學士樞密直學士升殿侍
立其餘臣僚并契丹使並出次引舍利及差來從人
俱兩拜萬歲訖方班引出如傳宣賜茶酒更鳴謝拜
如前儀已上班絕舍人帶引契丹使人西面揖躬舍
人當發通北朝國信使某祇候歸通訖引當發兩拜
出班致辭歸位又兩拜訖宜有敕賜跪受拜壽訖喝

宋史一百一十九

好去遂引出次引副使致詞令賜拜舞如前儀亦出
次引舍利已下次引差來通事使人俱分班入舍人
喝有教賜之服衣看進罷分物各應若跪受候捧捧
亦絕就拜三又兩拜萬歲喝好去分班引出其使副
各服所賜再引入宮殿兩拜萬歲訖習祇候引升殿
當御前立皇帝二閣門使授旨傳諸國王舍人揖國
信使跪閣門使傳旨通譯訖揖國信使起立閣門使
御前揖多於內等皆知慶捧換書回舍人揖國信使
跪立門侍跪分付訖揖起下殿西出政和詳定五禮
有紫宸殿大遼使朝見儀紫宸殿正旦宣大遼使儀

紫宸殿大遼使朝辭儀紫宸殿假日大遼使朝見儀
崇政殿假日大遼使朝辭儀其紫宸殿赴宴遼使副
位御坐西諸位上將軍之南夏使副在東朵殿並西
向北上高麗交趾使副在西朵殿並東向北上遼使
舍利從人各在其南夏使從人在東廊舍利之南諸
蕃使副首領高麗交趾從人淡喇喇內指揮使在西
廊舍利之南又至西廊內分兩廊西指使坐
進酒樂作贊各賜酒肆官長再拜訖坐酒五行官作
樂賜筆皇帝再進酒官行謝禮之禮
夏國進奉使見辭儀夏國歲之正旦聖駕入元豐

八年春來詔夏國見辭儀制并表詔八年見于皇儀
 祭門外朝辭諸書社致政和新儀見日侯見班
 絕謝班前使奉表而拜殿庭西向立舍
 人揖躬舍人當殿賜夏國進奉儀姓名以下祇候
 見引當殿前跪進奉表舍人受之副入內侍省官進
 呈使者起歸位四拜起居舍人宣有敕賜某物兼賜
 酒饌跪授箱過伏興再拜舍人曰各祇候揖西出
 次從人入不奏即入當殿四拜起居舍人宣賜分物
 兼賜酒食跪授箱過伏興再拜舍人曰各祇候揖
 西出辭日引使副入殿庭西向立舍人揖躬舍人當

殿躬奏夏國進奉使姓名以下祇候辭引當殿四拜
 宣賜某物酒饌再拜如見儀凡蕃使見辭同日者先
 夏國次高麗次之此次海外蕃客次諸蠻
 高麗進奉使見辭儀見日使捧表函引入殿庭副使
 隨之西向立舍人鞠躬當殿通高麗國進奉使姓
 名以下祇候見引當殿使稍前跪進表函伏興訖
 歸位大起居班首出班躬謝起居歸位再拜又出班
 謝面天頽躬路館券都城門外奉酒歸位再拜措笏
 舞端跪伏興再拜舍人宣有敕賜某物兼賜酒食禮
 笏跪授箱過伏興再拜舍人曰各祇候揖西出欠

宋史卷之八

卷之八

三

三國史記卷之九十四 高麗傳
押物以下入不遇即引當殿四拜起居宣看殿賜茶
物兼賜酒食跪授箱過伏伏與拜起居舍人曰各
祇候揖西出辭曰引便引入殿庭西向立舍人揖躬
舍人當殿躬揖高麗進奉使姓名以下祇候辭引當
殿四拜起居班首出班致詞歸位再拜舍人宣有敕
賜其物兼賜酒食揖躬跪授箱過伏伏與再拜舍人
曰好去揖西出次從人入辭如見政和元年詔高麗
在西北二國之間自今可依熙寧十年指揮隸樞密
院明年入貢認復用熙寧例以文臣充接伴使副仍
往還許入殿七年賜以遵豆各十二簋簋各四登一

釗二鼎二罍洗一尊二銘曰惟爾令德孝恭是稱東
蕃有來顯相予一人嘉之用錫爾錫貝尊以寧爾祖考
子子孫孫其永保之紹興二年高麗遣使副來貢並
賜酒食于同文館

金國聘使見辭儀宣和元年金使亦丁善慶年來遣直
秘閣趙有開偕善慶等報聘已而金使復至用新羅
使人禮引見宣政殿徽宗臨軒受使使者言自後屢遣
使來帝待之甚厚時引上殿奉事明詔予不貴禮遇並
用契丹故事紹興三年十二月辛巳遣使金使李永
壽等正旦入見故事曰官俱入上曰全盛之時神京

會同朝廷之尊一曰官之富所以夸示本誓駐於此亭
 從簡便舊日禮數豈可盡行無庸俱入使入見辭並賜
 金于殿門外八年金國遣使副來就驛議和詔王倫
 就驛賜宴十一年十一月金國遣審議使來入見時
 殿陛之儀議猶未決議者謂兵衛軍弱則非所以隆
 國體欲設仗衛恐駭虜情乃設黃麾仗千五百人于
 殿廊蔽以帝幙班定徹帷十二年扈從徽宗梓宮皇
 太后使副來十三年十一月有司言賀正旦使初至
 於盱眙軍賜宴未審回程合與不人憲待詔內侍省
 差使臣二員沿路賜御筵一員於平江府一員於鎮

江府一員於盱眙軍尋詔金國賀正旦入使到關赴
 宴等坐次合與宰臣相對稍南使副上下馬於執政
 官上下馬處三節人從並於宮門外上下馬立班則
 於西班與宰臣相對立仍權移西班使相在東壁宰
 臣之東十四年正月一日宴金國人使于紫宸殿文
 臣權侍郎已上武臣刺史已上赴坐自後正旦賜宴
 儀此五月金國遣使來申節使未有司言合照舊
 例此使賀生辰聖節使副隨宰臣紫宸殿上壽進壽
 酒畢皇帝宰臣以下同使副酒三行教坊作樂三節
 人從不進筵而三節人從有請令隨班上壽詔許之

仍賜酒食遇賀正人使朝辭在上幸祠官致齋之內
仍用樂二十九年以皇太后崩其賀正使副正統驛
賜宴見辭日賜茶酒並不舉樂大率北使三關先遣
伴使賜御筵于班荆館在志祥酒七行翌日登舟
至北郭稅亭茶酒畢上馬入餘杭門至都亭驛賜褥
被鈔鑼等明日臨安府書送酒食閣門官入位具朝
見儀殺朝見袴子又明日入見伴使至南宮門外下
馬北使至隔門內下馬皇帝御紫宸殿六參官起居
北使見畢退赴客省茶酒遂宴垂拱殿酒五行惟從
官已上預坐是日賜茶器名異又明日賜生醃乳之

二日與伴使偕往天竺燒香上賜沉香乳糖齋筵酒
果次至冷泉亭呼猿洞而歸翌日賜內中酒果風藥
花錫赴守歲夜筵酒五行用傀儡正月朔旦朝賀禮
畢上遣大臣就驛賜御筵中使傳旨宣勸酒九行三
日客省簽賜酒食內中賜酒果遂赴浙江亭觀潮酒
七行四日赴玉津園燕射命諸校善射者假管軍觀
察使伴之上賜弓矢酒行樂作伴射官與大使並射
弓館伴副使並射弩酒九行退五日大宴集英殿尚
書郎監察御史已上皆預學士撰致語六日朝辭退
賜襲衣金帶大銀器臨安府書送贐儀復遣執政官

就驛賜宴晚赴解換夜筵伴使與北使皆親勸酬且以衣物爲侑次日加賜龍鳳茶金鍍合乘馬出北闕門登舟宿赤岸又次日復遣近臣押賜御筵自到闕朝見射射朝辭共賜大使金千四百兩副使金八百八十兩衣各三襲金帶各三條都管上節各賜銀四十兩中下節各三十兩衣一襲塗金帶一條使人到闕筵宴凡用樂人三百人百戲軍七十人築毬軍三十二人起立毬門行人三十二人旗鼓四十人並下臨安府差相撲一十五人於御前等子內差並前期教習之

諸國朝貢其交州黎州諸國見辭並如上儀惟牙勞宴費之數則有殺焉其授書皆令有司付之又西蕃喃氏西南諸蕃占城回鶻大食于闐三佛齊邛部川蠻及溪峒之屬或比間數歲入貢層檀日本大理注輦蒲甘龜茲佛泥拂菻真臘羅殿渤泥邈黎闍婆甘眉流諸國入貢或一再或三四不常至注輦三佛齊使者至以真珠龍腦金蓮花等登陛跪散之謂之撒殿元祐二年知穎昌府韓縝言交趾小國其使人將及境臣嘗近弼難以抗禮按元豐中遂以兵官餞以通判使副詣府其犒設令兵官主之請如故

事仍詔所過郡凡前宰相執政官知判者亦如之又
詔立回賜于闐國信分物法歲遣貢使雖多止一加
則又命于闐國使以表章至則間歲聽一入貢餘令
於熙秦州貿易禮部言元豐著令西南五姓蕃每五
年許一貢今西蕃秦平軍入貢期限未及詔特許之
學士院言諸蕃初入貢者請令安撫鈐轄轉運等司
體問其國所在遠近大小與見今入貢何國爲比保
明聞奏庶待遇之禮不致失當宣和詔蕃國入貢令
本路驗實保明如涉詐偽以上書詐不實論建炎三
年占城國王遣使進貢適遇大禮遂加恩特授檢校


少侍加食邑自後明堂郊祀並做此紹興二年占城
國王遣使貢沉香犀象玳瑁等物以綾錦銀絹建炎
四年南平王薨差廣南西路轉運副使尹東珣充弔
祭使賜絹布各五百疋羊酒寓錢寓絲寓金銀等物
欽州授其國迎接人制贈侍中進封南越王封其子
爲交趾郡王過大禮並加恩如占城國王淳熙元年
賜安南國王印銅鑄塗以金紹興七年三佛齋國乞
進章奏並闕朝見詔許之令廣東經略司量置只許
四十人到闕進貢南珠象齒龍涎珊瑚琉璃香藥認
補保順慕化大將軍三佛齋國王給賜鞍馬衣帶銀

器賜使人宴于懷遠驛淳熙五年再入貢計其直二萬五千緡同賜綾錦羅絹等物銀二千五百兩紹興三十一年正月安南獻馴象帝曰蠻夷貢方物乃其軀但朕不欲以異獸勞遠人其令節巨告諭自今不必以馴象入貢三十二年孝宗登極詔曰比年以來累有外國入貢太上皇帝冲謙弗受况朕茲非入何以堪自今諸國有欲朝貢者令所在州軍以理論遣毋得以聞淳祐三年安南國王陳日哭來貢加賜功臣號十一年再未貢景定三年六月日哭上表貢獻乞收其位於其子陳威晃咸淳元年二月加安南大國

陳日哭功臣增安善二字安南國王陳威晃功臣增守義二字各賜金帶鞍馬衣服二年復上表進貢禮物賜金五百兩賜帛一百匹降詔嘉獎



志卷第七十二

A large rectangular frame with vertical lines, likely a placeholder for a table or a diagram. The frame consists of a top and bottom horizontal line and several vertical lines. The right edge of the frame is partially obscured by the book's binding. The paper is aged and shows some staining and wear.

知府印信

